


~~43~~

逍遙文庫
文庫 6
1059



清人詠物詩鈔

芳潤堂藏梓



詠物詩鈔序

清人詠物詩先人孰

諸家集中手鈔積久

累若干首東為一卷

書肆芳潤堂偶觀

之欣賞不措將之梓

付默庵牧野為按

訂之請先人為之序

先人以其選未盡也不

允投諸篋衍殆十年

矣既而先人與默庵

皆以己酉夏歿芳潤

堂亦卒頃日有濟

師患其稿本久而散

佚也。欲鏤版以公諸世。頗能周旋其事。來清一言。何其報故舊之厚也。余辭謝不獲命。因謂我邦詠物之行於世。文化以降。為寡。蓋焉。其書。越新。録行者。不之大。自唐宗。訖元明。至如清朝。諸家之什。別。鑄布。甚鮮矣。此書。先人手澤。所存。題後。皆新。敬言可喜。而於檢閱。尤為便捷。余序。

而傳之。亦庶幾。繼述之一端。故書此書之緣由。以還之。

嘉永庚戌春二月

秋峯菊池畫識



糸洲川島達書



文庫 6
1059

清人詠物詩鈔目錄

日 一葉



星

星石

天漢

秋河 二葉

春雷

風信

細雨

雨陣

雨雲

麥秋雨 三葉

發火雨

新霜

霜花

雪花

雪珠

殘雪 四葉

雪彌勒

雪獅 五葉

檐冰

朝烟

厨烟

茶烟

香烟

雨山 六葉

雨田 海市

嶺上雲七葉 谿上路

原上村 石上泉

假山 竹屋

竹瓦八葉 松棚

雨樓 雨舟

風帆 風車九葉

雨傘 木履

鏡 鏡花十葉

簾 簾鈎

簾波十一葉 馬鞭

扇 蕉扇十二葉

尺 杖

帳十三葉 燈

書燈 花燈十四葉

客燈 戍燈

閨燈 塔燈

漁燈十五葉 山燈

柚燈 鷓燈

橘燈 瓜燈

螢燈十六葉 燭花

瑠璃燈金魚 紫玻璃窗十七葉

床 竹胡床

醉翁床 藤枕

菊枕十八葉 酒旗

花幔 暖炕

手杵十九葉 魚籠

蟹籠 墨床

網衫

眼鏡 二十葉

蚤筩

烟筒

糊刷

發燭

水注 廿一葉

噴筒

墨斗

煖鍋

隱囊

箸籠

天窻 廿二葉

火叉

天平

水龍

背爬

梭

熨斗 卅三葉

荷杯

薙簪

馬尾蠅拂

蘆花拂子

梭拂 廿四葉

竹奴

湯婆

圓几

蘆花帚

雞毛帚 卅五葉

彈綿弓

紡車

蘆筆

牙筆 廿六葉

鼠鬚筆

筆囊

筆套

朽筆

蠶繭紙 廿七葉

雀臺硯

龍紋墨

美人槌

羽士爐

才士筆

美人鏡 廿八葉

俠客劍

仙人屐

高僧鉢

門神

火判官 廿九葉

泥美人

桃核船

蓮蓬人

掃晴娘

不倒翁 三十葉

美人風箏

昭君紙鷂

蘭虎 卅一葉

紙菊 錢

半錢 卅二葉 香

灰 塵 卅三葉

紅梅 黃梅 卅四葉

綠梅 蠟梅

冰心蠟梅 卅五葉 玉蝶梅

盆梅 籬角梅花 卅六葉

溪邊梅花 雨中梅花

霧裡梅花 梅信

落梅 杏花 卅七葉

紅白桃花 白桃花

瓶中桃花 卅八葉 金絲桃

櫻桃 薔薇

瑞香 卅九葉 李花

海棠 繡毬

牡丹 綠牡丹 四十葉

白牡丹 紫牡丹

紅牡丹 僧舍牡丹 四十一葉

九月牡丹 芍藥

白芍藥 罌粟

珠蘭 同心珠蘭 四十二葉

並蒂蘭 素心蘭

鉞蘭 紅蘭

風蘭 四十三葉 秋蘭

伏盆蘭 木蘭

銀薇 楊花

菜花 四十四葉 麥花

石榴花

六月菊 四十五葉

木綿花

白蓮

錦邊蓮 四十六葉

牽牛花

雞冠花

鳳仙花

剪秋羅 四十七葉

茉莉

虞美人 四十八葉

白秋海棠

洛陽花

紅蓼花

月中桂

蘋花 四十九葉

菱花

野菊

白菊

露菊 五十葉

紅芙蓉

白芙蓉

蘆花

秋後紅梅

茗花

水仙 五十一葉

薔花

茅花

風花 五十二葉

落花

春柳

夏柳 五十三葉

秋柳

驛柳

古槐 五十四葉

秋桑

方竹

朱竹 五十五葉

天竹

竹實

筍籜

栴櫚

楓葉

瓦松 五十六葉

松皮

松華

松心

松脂 五十七葉

松鍼

綠陰

黃葉

蕉

江蘆 五十八葉

萍

女蘿

春草

秋草

鴛鴦草 五十九葉

雨荷

殘荷

盆荷

燒後草 六十葉

接活樹

荷珠

金粟

梭魚

藕絲 六十葉

苔錢

筍筆

秧針

新鶯

新燕 六十二葉

白燕

春燕

秋燕

送燕

秋鶯

秋鴉 六十三葉

晚鴉

白画眉

烏骨雞

睡鸚鵡

蟻陣 六十四葉

蛛網

綠蝴蝶

蝶衣

蟬脫

鴈字 六十五葉

蠹魚

蠟

蝴蝶 六十六葉

菜花鱸

燕剪

魚梭

蟬琴 六十七葉

脫鈎魚

病驥

雨蟬

雨蚓

酒花

鹽 六十八葉

西瓜

蠶豆

燕筍

佛手柑 六十九葉

荔枝餅

竹葉粽

菊花餅

豆芽菜 七十葉

雪花菜

風栗

新藕

西施舌

醃菜 七十一葉

豌豆

蕨

梨

菱

茨 七十二葉

蒲萄

茶聲

木魚聲

塔鈴聲

桐風聲

蕉雨聲 七十三葉

落葉聲

蟲聲

角聲

秋雨聲

鳥聲 七十四葉

琴韻

花氣

書香

雲影

帆影

簾影 七十五葉

水中梅影

水中花影

月中花影

鏡中花影

日中花影

水中樓影 七十
六葉

菊影

影戲

影 七十七葉

鬢絲

春愁

瘦

眉語

眼語

手語 七十八葉

慵

心花

茗戰

炙硯

喫烟 七十九葉

湯泉浴

分野占祥，太史司煌煌。連貝耀明時，
雲霄悵望辰居遠。芒角森羅月上遲，
舊侶參商成獨處。佳期牛女苦相思，
也能變化如方朔。謫在人間那得知。

星石

黃任

圓潤驚看璞玉非，誰移一片舊支機。
架來紙閣芒冲劍，填向銀河爛搗衣。
魄落滿胸羅象緯，欽欽壓坐閃光輝。
南宮不敢藏衫袖，袍笏墻東拜少微。

天漢

陳廷棟

八月涼天似碧羅，微零玉露洗銀河。
九霄夜靜雲霞少，一水光涵象緯多。
每爲月高明素練，不緣風細斂清波。
橋成烏鵲還飛去，佇看年年牛女過。

秋河

乾隆帝

三時常晦此時明，耿耿依依空際橫。
星斗每從天上浴，波瀾不受世間驚。
肅晨乍斂數峰隔，殘夜猶聞雙杵鳴。
只有黃姑心獨苦，過來過去總傷情。

春雷

許炳

二月狂雷忽怒過，紛紛失箸幾人家。
喧于賽社村中鼓，疾甚游春陌上車。
莫遣龍蛇成久蟄，卻教風雨妬殘花。
浮雲散盡天威霽，猶自驚心向日斜。

風信

吳錫麒

關河落水漸蕭森，日暮登樓感不禁。
警雁一霜寒楚澤，和蛩千杵響吳砧。
儲胥道路方辛苦，烽火江山太阻深。

幾字相思懷袖裏，只應鄭重故人心。

細雨

許炳

月額初開勢尚微，蟠花膩葉乍霏霏。
輕疑溼霧彌空灑，散似香塵到處飛。
豈有石郎能戴笠，漫勞天女又披衣。
廉纖幾陣東風度，添得階前綠艸肥。

雨陣

趙翼

誰向穹霄運握奇，神兵指顧布魚麗。
乍疑叱咤風雲變，旋訝虛空矢石施。
戰退炎宮收火繖，乞降旱魃倒牙旗。
真看天上將軍到，歡過來趨伐葛師。

雨雲

全

黯黮彌空膩，不消異他舒卷在晴霄。
陰來頓覺天將暮，行處何須日以朝。

穹漢非池誰潑墨，中天無海亦生潮。

絕勝紅縵書祥瑞，六幕凝和氣最調。

麥秋雨

濮涼

楊花飄盡小萍浮，乳鴨群呼上岸頭。
綠樹暗生千嶂雨，黃雲低壓兩岐秋。
忽翻絕壁開新霽，旋起盤渦浴野鷗。
嫋嫋柳絲垂弱線，隔溪蓑笠釣魚身。

潑火雨

吳錫麒

賜火傳來滿鳳城，旋看細雨過前榮。
葦燒破竈難禁溼，柳起新煙暗覺輕。
三月風光烘欲動，五侯門巷滴無聲。
卻因朱騎塵飛後，倍愛天街景色清。

新霜

孔繼泰

西風蕭瑟冷江鄉，一夜輕寒已降霜。

清人詩集
叢菊籬邊添逸艷，楓林霞外襯殘黃。
鳥啼山寺觚稜滑，人跡溪橋驛路荒。

九月吳天秋已老，詩肩頗覺薄綿裝。

霜花

趙翼

瓊葉彌空映曙光，秋霜偏試薄寒粧。
色分姑射肌膚潔，開定青城頃刻忙。
渲入蒼葭增荻老，蒼來紅樹帶楓香。
寥天正藉鮮華綴，不用清吟玉露傷。

雪花

陳曦

瓊花樹樹映瑤臺，特費天工細剪裁。
入夜漫飄隋苑去，因風乍送謝庭來。
寒光的皦粘青瑣，冷艷霏微糝綠醅。
冬景蕭條憑點綴，何須放徧嶺頭梅。

雪珠

全

浙歷聲輕屋瓦攢，珠璣萬斛墮雲端。
隨風乍脫驪龍頰，入戶難留綠玉盤。
瑤島行逢仙子贈，綺樓光助曉粧寒。
爲禱未受天公賜，貧女當窻淚暗彈。

殘雪

袁枚

捲簾殘雪望無窮，世事方知色即空。
萬片落花何處去，數聲流水一年終。
陰陽爐岸思元化，冷淡生涯怕熱中。
遂漸關珊誰護惜，爲渠易惱是春風。

全

全

一夕天風洗素粧，六宮粉黛減容光。
早教醞釀成霖雨，敢爲飄流怨太陽。
湘水自沈青玉案，山人還戀白衣裳。
遼城鶴去無多日，收拾蓬萊萬斛霜。

全

全

一別青天路已遙，江山容得幾瓊瑤。
敢橫要路招人掃，且學輕冰著雨銷。
去無後先分冷暖，住無高下任飄搖。
輸他柳絮顛狂甚，轉得因風上九霄。

全

全

連日開窗白渺漫，今朝紅出小闌干。
風前粉蝶分飛易，笛裡梅花不落難。
素女歸時春半夜，玉山頽處日三竿。
幽人擬踏層冰去，六月峩眉頂上看。

雪彌勒

汪秋御

搏雪居然壞佛誇，白毫現處絕纖瑕。
雲中瑩徹鬢穿鬚，電掌上玲瓏塔聚沙。
顯相別開嚴淨界，笑拈還有露松花。

日光應照琉璃室，隔盡諸塵寂衆譁。

雪獅

袁一樹

團雪為獅鬪化工，強撐凍骨立西風。
胎從淨土原多幻，借與寒威也自雄。
宛足未能馳塞北，藏聲不懼吼河東。
劇憐齒吻冰消釋，吞得斜陽幾口紅。

檐冰

沈德潛

銅溝歷亂正堆鹽，凍合流澌勢漸嚴。
倒挂燕釵齊露腳，平垂鴛瓦各抽尖。
月移凌影橫虛牖，風折寒聲落短檐。
贏得紅閨倚闌看，樓頭高卷水晶簾。

朝煙

許振鳳

曙色初開景色鮮，隔林漠漠散朝煙。
橫斜籬落迷花影，搖曳晴空罨樹巔。

野鳥去時飛，不斷輕風過。處看還連，
溪頭濃淡如圖畫。最愛垂綸坐釣船。

厨煙

蔣士銓

鴛粟充糧，鮮疊錢欣看。竈突裏炊煙，
治生策豈能探券求富。心終賤執鞭，
手散萬金多感慨。家無百畝尚遷延，
竹花凋後桐花老。雞鶩紛紛亦可憐。

茶煙

趙文哲

庭院沈沈，午悄然風爐帖。安屋西邊，
更無入影。惟簾影纔和香煙。又藥煙
偶著，瓶花紫未定。忽吹鬢髮，暈初圓。
心知本自勞薪出。絕愛低回病榻邊。

香煙

黃任

脈脈霏霏裏，裏中似疑還散結。還融
薰蒸不使些痕著。臭氣全憑一氣通。
寶帳溫磨宵有霧。紗窗罨靄午無風。
博山亦復生膚寸。看取晴嵐變幻工。

全

黃任

要是微煎與細焚。教他宛轉又繽紛。
每縈畫軸疑雲態。愛裏經聲結篆紋。
縷縷怕掀簾去。颺濛濛笑接袖來分。
誰知荀令春衣上。已帶橋南十里聞。

雨山

趙翼

久晴山亦槁。將童雨至先鑿萬木風。
急瀑如紳盤詰曲。溼雲爲絮冒龍從。
髻痕新沐傾盆裏。膚寸原生觸石中。
欲上層椒覽滂沛。轉愁路滑躡虛空。

雨田

全

方罫行行水沒犁，川原彌望插秧齊。
油油耕覺鳥捷駛，漠漠飛看白鷺依。
渴土快如澆，魂礪枯塍滿。忽映頰黎
度阡，多少歌青笠，飯管家家餉婦攜。

海市

吳偉業

仙人太乙祀東萊，不信蓬瀛此地開。
虹跨斷崖通羽蓋，魚吞倒影出樓臺。
碧城煙合青葱樹，赤岸霞蒸絳雪堆。
聞道秦皇近南幸，舳艫千里射蛟回。

全

全

灝氣空濛萬象來，非煙非霧化人裁。
仙家困爲休糧閉，河泊宮因娶婦開。
金馬衣冠蒼水使，石鯨風雨濯龍臺。
鑿空博望頻回首，天漢乘槎未易才。

嶺上雲

張英

觸石排空總異姿，輕陰欲渡綠溪遲。
閒看舒卷爲霖日，多在徘徊出岫時。
峰頂乍攜雙袖滿，窻間潛潤七絃知。
一從爛熳歌成後，常與山家護竹籬。

谿上路

全

山深谿徑自縈回，地僻人稀長綠苔。
春隴草生黃犢過，秋籬花發白衣來。
偶添略約前村近，閑倚孤筇野客陪。
盡日總無車馬到，往還麋鹿暮鷺猜。

原上村

全

幾家砧杵隔寒原，一幅林巒對小軒。
綠樹陰中聞水碓，夕陽多處見柴門。
嵐光常借炊煙色，山徑新添野燒痕。

昨日隣翁歸較晚，犬聲如豹月黃昏。

石上泉

全

層岩飛瀑日潺湲，紫蘂青蒲不記年。
自作雪霜幽壑裡，時聞琴筑小窗前。
影穿密樹千珠散，潭聚游魚一鏡圓。
不獨浮杯兼釀酒，濯纓知向此中偏。

假山

許燦

一角低低深黛痕，遠移湖石疊雲根。
峰巒突起隨人意，培塿相依亦自尊。
好向平泉分甲乙，敢朝華岳比衆孫。
那堪舊日登臨處，風雨淒涼鎖院門。

竹屋

金庭芝

堂密何須羨美樅，琅玕近採自湘叢。
凌兢敢比周高柱，品目應稱漢竹宮。

清簟坐消寒，月白紙窗微。綴臘花紅

杜陵只解編茅屋，漫向高秋怨疾風。

竹瓦

金庭芝

細劈啼痕補漏痕，玉鱗片片出龍孫。
截來嶰谷纔鳴鳳，吹落渾河又化鴛。

曉日乍搖金瑣碎，涼波欲瀉月黃昏。

莫言風雨摧殘易，珍重香姜亦罕存。

松棚

王時憲

松枝如髮亂蓬鬆，小結涼篷避火龍。
無復作濤聲，護設尚堪蔽日影重重。

坐逢陶令應思撫，陰及秦王肯受封。

比卻鶴巢寬幾許，兩三野客恰能容。

雨樓

趙翼

雨勢尤空高處看，一層更上俯闌干。

牕虛早洒珠簾溼地迥原連玉宇寒
簷溜如聞棋子落檻雲欲繞笛聲殘
翠帷繡戶空濛裏倒影寧須月滿難

雨舟

全

推移枉費舵師憂雨至能輕萬斛舟
乘漲真同天上坐沿溪不羨剡中遊
野橋水没人呼渡御宿波深士習流
卻憶淺時牽百丈纜夫一里要三休

風帆

袁枚

一葉高懸浪拍天孤迎紅日孰爭先
風非不順吹難飽海縱無邊住有權
力大勝騎龍馬走身閒長抱水雲眠
篙工未旨將君用要等餘皇萬斛船

全

袁秋卿

衝開輕浪快如仙十幅中流自在懸
幾疊收迴江甸雨一竿搖動水雲天
因風未許落人後並馬爭馳讓爾先
力重不妨行更穩一生方便世間緣

風車

楊陸榮

輻板重重橫縱別或推而轉或輕搖
風從簾外冷冷起暑向筵前漸漸消
江岸行舟輪激聒山田岸水颿飄搖
殊形異制紛紛出一法相承智各超

雨傘

全

黃油漬紙是輕紗輔竹差排勻又表
一柱撐天歸掌握九重霏雨蒸頭遮
寧知低放收藏好只道高警籠蓋奢
轉眼穹霄行白日從教繫頸遣回家

木辰

全

寸木能高失料量，皮粘兩輔抵縑組。
乍穿恍訝離塵迥，易折多緣為齒剛。
零雨幾曾傷赤舄，畏途所怕只迷陽。
卻慚采肆何心協，磔磔嘗如中羽商。

鏡

袁枚

盈盈一水寫風神，惆悵山雞舞罷身。
望去空堂疑有路，照來如我竟無人。
得知空稱粧應改，解其悲懼汝最真。
願取蟠龍安四角，滿林花影盡橫陳。

全

袁一樹

盤龍字古舊時銘，漫說飛精似水平。
顧我忽然悲老大，恨君何苦太分明。
未聞醜女知嫌貌，徒使孤鸞感別情。

標子面皮容不得，只空瞻閣照雙清。

全

趙翼

照膽圓光妙寫神，江心鑄就淨無塵。
誰從對面偷描我，忽漫分身作化人。
藏醜一毫難作假，效顰雙黛最傳真。
只因老怯看華髮，不許移來斐几陳。

鏡花

毛思正

秋水芙蓉一顆圓，金膏瓊粉弄清妍。
雙盤龍守多年，桂七出菱開小洞天。
明月殿中窺色相，蓋珠宮裡種因緣。
空香更倩紅紗掩，半天溫泉養玉蓮。

簾

趙翼

掛起湘筠蕩日光，銀鈎不捲靜縈香。
玲瓏霧縠三千縷，隱約金釵十二行。

映沼斜梳波影皺當窻橫織雨絲長
夏侯堂上尤增貴省得歌姬錦繡粧

全

袁枚

珍珠顏色月波光只隔遊蜂不隔香
一道疑城花隱霧萬條斜竹水成行
蓬山珮響仙彌遠深院風停日更長
搖蕩春痕鈎捲未銜泥燕子待升堂

簾鈎

莊伯鴻

待引春雲入檻不高懸畫閣結青樓
心通恨隔玲瓏望腕弱憐將窈窕收
多宛轉時能約束未團圓處好勾留
漫言眼底除牽挂放下依然萬縷愁

全

方薰

鸞環懸處畫檐深小挽湘波若不禁

燕蹴誤鳴雙曲玉婢慵遲上一鈎金
輕撩雲鬢釵聲溜頻捻春蕙粉膩侵
坐覺纖風吹不定莫教捎起下花陰

全

呂映微

榮戟深深鈎影微玉竿又上綺窻衣
呢喃燕語窺巢入溶漾絲牽入戶飛
十里釵環攀絡索一廳燈燭落珠璣
嚴公幕下憐才甚三挂冠巾是也非

簾波

孔傳鐸

寂寂虛齋靜若秋高懸翠幕小花浮
微風澹蕩春泉動新月輕浮碧漢流
錦浪千層依畫舫蝦鬚百尺繞銀鈎
一庭萍藻檐前影點綴闌干一片愁

馬鞭

袁枚

煙樓撞處久摩空，曾記馳驅闌苑東。
斜指斷腸雲外樹，自鳴得意馬蹄風。
隔花傳響春山遠，帶雨催程落照紅。
一個祖生追不止，歸來忍待管絃終。

扇

全

齊紈巧製愛天工，白羽臨江水照空。
小撲流螢花徑外，分涼熱客樹陰中。
生無愧面遮寒士，秋有餘恩感漢宮。
憔悴年年箱篋裡，誰知搖手滿懷風。

全

趙翼

一握輕紈雅製工，能延新爽畫堂空。
謾愁損棄隨秋後，自有清涼解熱中。
隔影紅粧姑女面前身，明月婕妤好宮。
漢翁愛向荷亭坐，別領田田萬葉風。

蕉扇

范觀海

汗溼香閨午夢殘，迴風冉冉綠成團。
芳心猶卷三春色，弱質能翻六月寒。
不數漢宮移翟扇，最憐班女製霜紈。
維摩解悟空中相，何事題詩戀合歡。

全

邱璋

裁來綠葉比田田，消夏關心此最先。
卻暑底須圖白雪，招涼不待障青天。
雉雲開處生風早，鹿夢回時訝月圓。
一種閑愁拋未得，何堪熱客取携便。

全

王時憲

形比齊紈訝許同，蒲葵一類製偏工。
綠天乍剪裁明月，白雨停跳送冷風。
茶竈偶搖烟自碧，松窗頻動日方紅。

學書餘與何曾減，競看龍蛇落此中。

尺

袁枚

典衣從古屬周官，分寸由來貼難。

織布新人休護短，滿城高髻太嫌寬。

明堂補衮身猶在，大樂調鐘興已闌。

我欲通天臺上表，群才交與此公看。

全

趙翼

累黍曾煩定樂官，短長到手不能瞞。

文將才士評量易，衣恐佳人穩稱難。

高髻樣爭傳繡閣，剪刀聲共響雕欄。

頗疑宋玉誇隣女，分寸從何比較看。

杖

袁枚

剡水雙藤健絕群，偏於足下最殷勤。

年來孤往常無路，海內相扶尚有君。

小柱心知深淺雪，橫拖身逐往來雲。

鄧林豈少狂奔者，可奈虞淵日易曛。

全

趙翼

蹇劣平生愧逐群，一枝藤助草鞋勤。

青山獨往誰同伴，白首相依剩此君。

住與畫叉閑倚壁，行隨蠟屐緩拖雲。

居然勃窣翁稱健，踏葉歸來日未曛。

帳

袁枚

甲乙流蘇事事非，誰傾海水向羅幃。

垂雲深護鴛鴦穩，越境難防蝴蝶飛。

白鳥有聲喧外陣，紅燈無力透重圍。

愁他酒盡更殘夜，遮莫離人獨自歸。

全

趙翼

羊羔酒客未全非，製就銷金翡翠幃。

清人詩集卷之三
深暗從添春夢穩，周遮似怕夜頭飛。
中餘幻蝶常留宿，外有群蚊欲合圍。
滿紙梅花自清絕，漫驚十里紫絲歸。

燈

袁枚

別酒淋浪夜雨聲，空山紅處野風驚。
並無喜事花長報，爲有黃昏色轉明。
歌舞當場春夢短，江湖回首玉堂清。
除將書卷雲鬟影，不領銀釭一點情。

全

趙翼

一穗銀釭小作聲，空堂無喜也相驚。
爲人嘗盡寒窗味，有女曾分夜績明。
舞字伶工千隊整，修書學士兩條清。
老來忍使拋牆角，炳燭餘光尚有情。

書燈

孔傳鐸

問字連年業未成，紙窗雪案寄閒情。
殷勤汗簡三冬富，斷續蘭膏五夜明。
志苦何妨偷鑿壁，家貧休恥借囊螢。
石渠閣上青編在，自有仙人道姓名。

花燈

孔傳鐸

蓬山吐焰擁金釐，禁漏聲催破沈瀾。
竹馬約誰觀火樹，香車隨處問星橋。
城名不夜人無睡，國號長春興自饒。
翠袖笑扶爭指點，一春尤好是今宵。

客燈

全

北燕南越漫經年，午夜搖紅淚泫然。
官舍怯聽朝暮雨，水鄉空照往來船。
家山有夢馳千里，天外花燼綻枕邊。
每到黃昏惟仗汝，沈吟旅思不成眠。

戍燈

全

戎衣零亂斗纓斜，老大宵征聽鼓笳。
駐馬關前防有警，連營河上總無譁。
短檠坐驗弓刀影，列炬遙連霜露華。
卻上戍樓舒遠望，青燐點點在蘆花。

閨燈

全

迢迢春夜捲簾波，不用清輝借月娥。
缸背影迴憐態逸，衣邊光閃助情多。
芳檝寫就連愁寄，紙帳低褰任夢過。
刀尺更闌殊未歇，淚痕單照意如何。

塔燈

全

層霄焰焰發精藍，三昧光華透石龕。
貝葉就窻翻極樂，袈裟趁影習和南。
層層滅現當秋寺，點點微茫印夜潭。

莫把迷津他處問，色空合向此中參。

漁燈

全

欸乃寧辭煙水勞，寒星萬點散江皋。
昏黃射水驚龍窟，明滅臨洲見鷺毛。
弄笛已沈南浦月，補蓑深見海門濤。
却看蘆葦深深處，光聚圓沙雁正號。

山燈

全

珠光何意上峰頭，照徹重巖疊嶂幽。
隔嶺一星傳午夜，臨崖數點散陽秋。
極知野寺無銀燭，飽識青燐綻碧油。
只恐五更明滅處，蒼涼天未使人愁。

柚燈

黃任

綠苞閃爍作朱明，一夕秋光滿洞庭。
每愛斜陽懸點綴，忽驚寶月透玲瓏。

千枝霜後還流火，小枝雕來亦汗青。
記得滇江誇女手，星毬簇簇掛冰廳。

鵲燈

邱璋

孤鶩驚看散暮霞，夜光幾隊出林樞。
遲遲鴉帶昭陽日，點點星隨博望槎。
依艸低嫌螢照暗，受風高比燕飛斜。
熏天氣焰都如此，贏得兒童一笑譁。

橘燈

吳偉業

掩映蘭膏葉底尋，玉盤纖手出無心。
花開槐市枝枝火，霜滿江潭樹樹金。
繡佛傳燈珠錯落，洞仙爭奕漏深沈。
饒他丁繞施工巧，不及生成在上林。

瓜燈

王時憲

纍纍羊髓與龍肝，刺畫玲瓏大可觀。

燼擬花紅水谷艷，膏兼瓢綠水晶寒。
織絳夜幕防風急，爝火晨明補月殘。
懸向筵前光四射，不愁燭跋好追歡。

螢燈

楊陸榮

玄綃盈寸水般空，一點輕涵熠燿紅。
我最憐他投暗裡，人言今日處囊中。
高燒莫是心然火，薄暈真是月淺籠。
靜夜書幃憐閒寂，映來冬雪許同功。

燭花

黃任

火樹叢叢發異葩，金蓮多放五侯家。
銀臺穗重愁風逼，錦帳春濃愛霧遮。
漸欲銷來剛送曉，未成灰去尚生華。
笙歌散後簾櫳暗，十二樓闌月半斜。

全

全

得氣都從熱裡過，最光華處最銷磨。
焰方高處心偏暗，開到濃時淚轉多。
蘭蕊吐芳，妨玉箭，麝煤含燼，落銀荷。
獨嫌老眼繙書，夜其奈長檠細字何。

燭花

蔣士銓

豈共朝華落繡茵，銅槃芳蕊晚來新。
孤根自結何須地，長夜能開不待春。
一寸纏綿心轉熱，五更風雨恨應頻。
更闌莫漫敲碁子，留照狂花淺醉人。

瑠璃燈金魚

陸輿

一片虛明鏡，作衙關，膏春暖，映浮槎。
聽來啜水疑潛隱，望去迴波恰半遮。
光合玉鱗分素練，絳翻錦鬣吐冰花。
忽驚落子簾風下，折入銀塘未可叉。

紫玻璃窗

何士顯

不比書堂護絳紗，疎櫺如隔赤城霞。
光騰山駐金烏影，彩射園多鳳閣花。
玉鏡翻嫌清少色，冰壺真覺淡無筆。
只疑靜夜傳經處，藜火朝來燄尚賒。

床

袁枚

小眠齋裡倦琴書，每覺藜床味有餘。
一夜送人何處去，百年分半此中居。
金燈聽鼓應官後，紅袖抽簪乍上初。
兩種風情最堪憶，梅花吹落水窻虛。

牀

趙翼

不須攤飯且攤書，息我勞筋一枕餘。
鄉有溫柔留夢處，禮無拘束賸人居。
旅窻聽雨燈殘後，繡被熏香月上初。

湖海元龍豪氣減，敢誇百尺迥凌虛。

竹胡床

篔簹巧截作胡床，不事璇宮七寶裝。
石枕蒲團為爾伴，清風明月助君涼。
幼安嗜學十年久，仲舉留賓一榻忙。
美箭東南誰得似，下車三弄憶桓郎。

醉翁牀

楊陸榮

百錢忙飛日未殘，蹉蹉起舞已知難。
高眠卻得扶頭穩，平坐還教貼背安。
寬只容身餘半席，便於支臂喜雙欄。
從今吸盡中山酒，一睡三年等夢看。

藤枕

許炳

小枕通中足臥遊，及時携向北窻幽。
丹青莫憶巫山障，清冷如聞剡水流。
試薦華簪翻覺俗，暫拋香絮不空秋。
豈知水簟銀牀裡，別有相思淚未收。

全

王時憲

密滑通中亦快哉，枯藤作枕賽環材。
網形造法黃穿眼，井字臥痕紅印腮。
人到剡溪羞作紙，樣傳西域悔為杯。
筠簾木榻最相稱，薦首橫眠夢蝶來。

菊枕

孔繼泰

采采東籬菊，一囊梅花帳底足徜徉。
空人夢寐秋三徑，伴我煙霞冷半牀。
老去並欵矜晚節，聞來高卧抱幽香。
微吟漫擬瓌材賦，逸興遙飛處士鄉。

酒旗

袁枚

客中誰勸醉如泥，賴有旗懸野店西。

望見一竿村便好未停雙轡馬先嘶
風狂似欲招人急花落遙知取價低
我是天涯倦遊者也曾小住喚偏提

花慢

全

花太嬌紅病易侵爲他張幔結層陰
敢遮赤日當天影恰是慈雲覆物心
甘后帳深難辨玉阿嬌屋好那須金
平生怨雨愁風意每倚雕闌思不禁

暖炕

全

誰抱春臺作睡鄉烏曹磚上不知霜
恍疑故國眼焦土尚記新婚坐暖床
夢惹敬兒通體熱熏空荀令幾重香
燕姬也像唐花樣烘出精神覺勝常

全

何士顯

落木風威正蕭霜衰年空煖炕爲床
好依火伴消冬夜不用湯婆共睡鄉
窻月孤寒剛照影瓶梅親炙已浮香
夢中添得溫存意衾枕歡同老孟光

手杵

揚陸榮

斷木裁量二尺餘輪磚盤頂菌芝如
砧聲搗月同耶異佛力降魔用卻殊
火絕寒厨和淚下穀採新穗奏功徐
賃春不假他人力孤負梁鴻廡下居

魚簾

全

削翠鐫青任意裁方圓磔硯滿江隈
譬如永巷年年閉尚有恩波日日来
漫比放池矜得所終同遊釜刺相催
江湖歸老非容易密網誰將一面開

蟹籠

全楊陸

盪浦搖江逐逐新篔簹青三尺裏輪囷
雖然疎著四旁眼那得橫行一步身
邑墟內黃方躁妄封移孤竹太遑迤
卻憐物難終須解擁劍何時據要津

盪浦搖江皆
取蟹之法

墨林

全

年年取髓負居諸習氣於今稍稍除
守黑也知歸卧好就閒應在折磨餘
顛君犀利今茶塚楮老風輕付粉魚
何幸獨全幽晦質北窻斜日夢蘆蘆

網衫

全

三伏漫膚汗顆濡桃花紅欲染輕襦
裁空締絡炎蒸候根額芙蓉水漬餘

衣不沾身線成界風能透體眼偏疎
彎彎折折都無縫巧織天孫恐未知

眼鏡

全

兩耳都聾目漸盲玻瓈小鏡琢初成
火含碧焰從薪發月吐清光借日明
及遠原從近中現無遮卻自障邊生
即今文字鑽研處底用揩磨老眼睛

笙笛

全

大竹中函小竹圓楞空析直敞如門
久知躁妄無全理不道恩膏是禍根
以血為糧誠大毒戀香而死敢言寬
寄聲舊日同袍者忍垢多君穩處視

烟筒

全

煙草離離剪露叢咀含空味寄於筒

凝來未免熏心黑，燕處俄驚炙手紅。
強項不妨由汝拔，穢腸終望倩誰通。
即聞更有非常製，鼻飲消歸一噀中。

糊刷

全楊陸紫

制判剛柔歸適用，平分粘合號分明。
那無篇翰時相接，卻恨糊塗過此生。
種種騰騰如髮短，稜稜遮莫似眉橫。
十三科裡標題處，為問排行第幾名。
裱背有十三科，糊刷其一也。

發燭

一名引光奴

全

絳蠟凝膏未易融，生憎簾幙暗宵中。
忽驚一點如星淡，頓使三條照眼紅。
利用便堪留小製，流傳何幸出深宮。
引光絕愛茲奴好，不藉東隣壁隙通。

水注

全

硯石焦枯池水乾，土坯小握貯晴湍。
飲惟滿腹鼠同量，鎔就全身蠍一般。
深汲喚將銀鹿慣，倒傾驚起黑蛟蟠。
若非點滴源頭水，那得翻翻江海看。

噴筍

全

妖紅飄貼綠濃鋪，不奈晴烘漸欲枯。
點點忽驚巾漉酒，滢滢疑是網扳湖。
鈴幡只護園風惡，灌溉惟令根土腴。
何似壺天回化澤，柔苗弱穗頓甦蘇。

墨斗

全

採木名山未乏才，風斤待用苦相催。
短長合度緣心判，曲直由天夫意裁。
但得手中通有線，何妨肚裏黑如煤。

從繩始得成梁棟莫以瓦然恃本來

煖鍋

全楊陸棠

胍肫新製遍江潯磨瀘青金勝白金

只道茶從鼎內沸誰知物在釜中燂

酸鹹兼納恢汪量辛苦噓寒仗熱心

忽憶冷淘前日事炎涼滋味總相尋

隱囊俗名
靠枕

全

日長似歲倦扶藜懶坐愁眠眼欲迷

可凭可依支臂穩不高不亞截腰齊

暖寒異製藤兼紵位置隨空東復西

錦褥裝蒲雖軟熟舖來只是略嫌低

箸籠

全

或用雙提或用單壁懸只合近瓢簞

散拋寧假絲條縛高簇全同壺矢攢

漢殿漫疑虛不設留侯從此借應難

老饕別有生心計添禹功勞屬指端

天窻

全

以瓦為之誠大好圍墻漆室眼如矇

百年行役張張慣一霎迷途惘惘窮

竇穴忽驚懸日照隙明直欲盼天通

邊旁更囑勤勤護狂捲隨茅怕疾風

火叉

全

釜底無薪何以燒新多灰壅更須消

添將使熾煩雙夾通則生明利淺挑

分股成歧差似剪銳頭直進略如撓

不從猛火中間走那得金剛身一條

天平

全

平在人心豈在天每聞彈扣意茫然

分明指點歸中的，何用低昂較兩權。
有定數推無定數，押東連互押西邊。
虧盈反覆君須記，饒著從來勝占先。

水龍

全陽陸榮

炎官騰蹕亂鴉飛，潤下圖功意稍違。
密洒難希三寸雨，游空喜見一龍歸。
指無定向存于變，激使高冲發以機。
不少焦頭和爛額，叨天卻也盡沾衣。

背爬

全

搔爬如意名實稱，爬背今名太認真。
一葉芝頭如甚意，十尖筆玉可於人。
覆翻擊出，手中手痛癢關乎身外身。
使是麻姑織烏爪，論功可也不相倫。

梭

全

春困愁溫織錦篇，金梭催送曉窻前。
圓中兒狡飛爭疾，柳畔鶯嬌巧學穿。
一擲定知留不住，單絲何苦鎮相牽。
蒲萄新樣知誰起，舊樣看看不值錢。

尉斗

全

威柄親操運若神，炎炎赫赫肅臣隣。
常溫豈假深灰養，有動能令眾枉申。
比以太阿持肯倒，方之洪冶鑄初新。
阿誰下去將身藉，焦灼真堪笑絕倫。

荷杯

王時憲

綠玉裁成擬汎觴，南風窓下挹瓊漿。
形通落落傾醇碧，勢直波波瀉冷香。
蕉葉失真嫌矯揉，竹根雖雅遜清芳。
湖邨飲具新添卻，粗粳茅柴試一嘗。

薤簞

全王時憲

青青薤葉細，子管製簞平。鋪近水灣，
莊蝶定憎梧已朽。楚雲不戀竹生斑，
北窓風入雙文滑。南館秋生六尺間，
誰向蓮花府中。欲定綠隸一開顏。

馬尾蠅掃

查慎行

十條宛轉縮初成，便有風從繞指生。
柄短不勞犀作骨，尾長仍借麈為名。
禪門付法今尤濫，人世清談久見輕。
欲效驅除苦無力，青蠅當暑正營營。

蘆花拂子

方登嶧

篷窓雅製荻新材，麈尾休將玉柄猜。
蘸水束成絲縷縷，臨風拂落月皑皑。
携從秋老無蠅至，談到更深有鴈來。

恰稱輕舟隨釣叟，素衣相對少塵埃。

撥拂

全

蜀機剝剝仗刀鎌，拂子初成手自拈。
座上未如揮麈尾，壁間聊比掛龍髯。
驅蠅勝遇寒風掃，騎鶴無愁積垢黏。
聞道麻繩明儉約，山家薄物更何嫌。

竹奴

全

肯從夏箬伴黃昏，玉骨冰肌許手捫。
衛女待誰舒笑靨，楚娥猶自剩啼痕。
湘江莫作歡娛地，淇水難忘生長村。
黃土美人如未悟，此中清味不須論。

湯婆

趙翼

一斗溫泉貯錫盃，勝他黃燂夜相娛。
布衾絮薄堪伸腳，紙帳花寒不結趺。

清人詩物言金
三十四
衰過牀邊安虎子，煖逾被底睡狸奴。
老夫正得女妻樂，不許稱婆要改呼。

圓几

吳偉業

彎環月樣几，橫陳置酒應招看。月人
讓處不知誰，首席坐時只覺可添賓。
天星合璧書稱瑞，粉蝶成團影亦春。
悟得轉圓行智意，朱門蓬戶好安身。

全

何士顥

鼎足雖分二几，張盞簪偏喜就無方。
儘容御輩誰爭席，好對冰輪共舉觴。
接膝盡成聯壁客，象形宜置聚星堂。
坐來宛轉隨人意，物到圓融也見長。

蘆花帚

黃之雋

汀洲折取雁銜餘，一束霜花拂拭初。
風絮剩猶飄几榻，煙埃浸不到琴書。
松枝椽葉清相亞，麈尾龍鬚儉弗如。
縱有敵時常握手，茆茨長物稱幽居。

鷄毛帚

楊陸榮

比雉參鸞羽，色鮮絲絲纏縛愛輕圓。
珍同諸葛搖來扇，魂逐東坡夢裏仙。
堆案黃塵吹欲盡，傍簾白拂好同懸。
自從硯北經行慣，羞向昭陽金殿邊。

彈綿弓

全

內政經營首木綿，彈宜女手憶卷然。
一絃愛鼓琴中趣，九合何須月樣圓。
雪捲細於銀鏃白，蠟和滑過鼠膠玄。
白鷗不向中天落，那得風毛滿檻前。

彈綿花弓

朱霞

懸弧那得到，閨中削木張絃制，頗同
密室暖迴，偏坐穩當機，槌急遠音通，
翻開本籍，攜雲手飛去，終防劈絮風，
莫惜，抨彈常盡力，普天挾纊，欲論功。

紡車

楊陸榮

慵繅雪繭罷，漚麻棉子親拈，采采花
短轂橫支，雙轉穩兩輪，細繞一繩斜，
絲絲續處，針相引，轉轉搏來，玉少瑕，
坐話團頭燈，欲燼露零如雨，月初華。

全

朱霞

劈竹為輪，體最輕，施絃轉軸，自迴紫
冰蠶一縷，憑神縮玉指，三尖巧送迎，
曾入繪圖，經齊覽，每隨燈檠伴吟聲，
尋常莫晒貧，家具織女蓬頭學未成。

蘆筆

吳偉業

採箸編蒲，課筆耕織，簾居士擅書名，
掃來曾壁，枯難用，焚就秦灰，煮不成，
飛白，夜窻花入夢，草玄秋閣雁銜橫，
中山本是盧郎宅，錯認移封號，管城。

牙筆

楊陸榮

不向霜毫乞小靈，用於無用，用偏精，
拈來羞著丹青色，擲去應聞金石聲，
屈鐵那曾憑腕力，畫沙真合見錐形，
若教孟箸相參論，几畔惟應玉研塋。

鼠鬚筆

趙翼

縛寫蘭亭，始右軍拔材，遂及小毛群，
割疑鬪穴為逃將，雍許求官作令君，
技或偶窮逢惡紙，點應最善竊佳文。

苦吟正燃微髮斷，笑爾來參翰墨勳。

筆囊

嘉慶帝

象管宜將古錦裝，數枝携得便深藏。
韜光未擬劍離匣，脫穎寧同錐處囊。
學士夢魂添彩色，中書行省費平章。
席珍永珮經帷裡，閣筆何須玳瑁牀。

筆套

楊陸榮

卷籜蒙頭謝辟書，南山判罷意如如。
陶泓未遇應常整，知白遲逢且漫除。
鋒必出尖須斂著，才原太銳盡藏諸。
阿誰暫得囊中處，露穎旋思乞美譽。

朽筆

楊陸榮

柳枝纖細乍含春，洗硯池邊認舊身。
一點尾焦兼墨用，百年心盡以灰神。

雲煙天外生微影，丘壑胸中現幻塵。
判罷南山成一笑，這番起滅總非真。

蠶繭紙

趙翼

麻頭魚網已奇方，別製名箋搗繭房。
恰稱客題黃絹字，免教人寫練裙行。
供書原博酬繅厚，下筆仍聽食葉忙。
從此洛陽增價貴，百番出自錦心腸。

雀臺硯

趙翼

凌空銅雀去何之，殘瓦猶留廢苑基。
千古英風磨不盡，三分陳迹叩應知。
韻宜橫槊新詩寫，潤豈分香舊淚滋。
也似清門為廢後，尚餘文采繫人思。

龍紋墨

全

墨君雅號記龍賓，刻畫真形倍可珍。

螺黛一九嫌俗樣，虬松千尺本前身。
收囊香護蟠藏迹，入硯雲騰變化神。
染翰揮成飛舞勢，之而相對作其鱗。

美人槌

楊陸榮

道是嗔耶道是憐，擎來祇合愛卷然。
十尖不羨麻姑爪，一握真同鉤弋拳。
疑緊疑鬆綿樣軟，適輕適重點般圓。
隋宮枉苦誇來夢，振挈番番得好眠。

羽士爐

張宏燧

黃庭一卷誦臨軒，丹竈泥封鍊混元。
位配五行調水火，象分八卦合乾坤。
寶光每映藜燃閣，秘笈常留雲鎖門。
撮藥不須求兔杵，飛昇雞犬即仙村。

才子筆

全

五色繽紛久擅場，更標異米江郎。
兔毫含腐花偏艷，象管搖酣墨有香。
閣處珊瑚森作架，鞘來錦繡製為囊。
如椽豈屑彫蟲試，看取凌雲賦鳳皇。

美人鏡

全

菱花展處手頻摸，印得嬌容笑可呼。
匣啓熒星真皎潔，簾披疑月未模糊。
冰肌端合臨冰鑑，玉骨還宜傍玉壺。
可是霓裳新度曲，舞翻衣影入紅瑜。

俠客劍

全

床頭夜吼詫神奇，擊刺原能定指麾。
百鍊騰輝搖日月，千鈞試鏑截蛟螭。
調同只許燕臺氣，橫幾凌博浪椎。
莫道精華遭剝蝕，斗牛燭處壯心脾。

仙人展

全

巖栖何事筍輿過，徒步探幽歷薜蘿。
竹塢參差尋舊徑，花房隱約躡新窠。
風前苔蘚留痕少，雨後泥沙折齒多。
借問謝安穿幾兩，山南山北樂如何。

高僧鉢

全

經繙貝葉靜禪房，趺坐還傳持鉢方。
瑪瑙卽盛梅子熟，優曇無隱木犀香。
娑婆杖錫龍聞咒，舍利浮金塔有光。
不是沿門唯面壁，托來佛手證行藏。

門神

趙翼

執鉞垂紳將相權，曾傳褒鄂壯凌煙。
描來花樣輝三徑，報滿瓜期例一年。
人欲登龍先仰望，門雖羅雀肯他遷。

誰家健婦誇持戶，勞績殊難企及肩。

全

全

灞陵醉尉氣似雷，汝獨無言冷似灰。
日傍獸環身不動，夜同魚鑰目常開。
衣裳破孰丹青補，顏面衰因雨雪摧。
土偶若逢應一笑，依人門戶總堪哀。

火判官

京師人於上元節以泥塑鬼判虛其腹燃火於

中為戲

全

滿街燈燭正喧阗，變相俄驚地獄開。
略似人形泥塑在，是何兒戲火攻來。
漫疑古佛多毫相，翻恐冥官也劫灰。
不是禁煙寒食候，莫教錯認介之推。

泥美人

邱璋

青塚香魂是舊身，粧成又見一番新。

雪鴻留得仙家，爪風絮隨他清路塵。
若使望夫愁化石，倘爲妬婦怕投津。
空梁盼斷雙栖燕，曠有紅絲慰故人。

桃核船

吳偉業

漢家水戰習昆明，曼倩偷來下瀨橫。
三士漫成齊相計，五湖好載越姝行。
桑田核種十年久，河渚槎浮一葉輕。
從此武陵漁問渡，胡麻飯裏棹歌聲。

蓮蓬人

全

獨立平生重此翁，反裘雙袖倚東風。
殘身轉倒憑誰戲，亂服麤疎恥便工。
共結苦心諸子散，早拈香粉美人空。
莫嫌到老絲難斷，總在污泥不染中。

掃晴娘

趙翼

簾外陰霖膩滿空，美人擁篲有神功。
捷驅巫女三更雨，巧借封姨一陣風。
香捲胭脂花落後，魂歸環珮月明中。
莫疑寬婦能招旱，得號乾娘勝得雄。

不倒翁

全

傀儡偏供戲酒筵，但憑手撥不絲牽。
白題胡舞斜防跌，黃胖春遊醉欲顛。
宛轉隨人終自立，周旋伴客不安眠。
紙糊閣老休相擬，倔强身還傲氣仙。

美人風箏

全

誰家掌上，一嬋娟飛入高空，艷影翩。
風送幾疑天賜女，雲遊不作地行仙。
尚嫌綵索鞦韆短，漫比朱絲傀儡牽。
月姊星娥應共語，新添好伴絳霄邊。

全

全

天路無梯一線通，冶遊最好趁春融。
但愁神女來行雨，恰喜封姨肯借風。
糊上薛箋身絢爛，製成湘竹骨玲瓏。
雲霄曳履男兒事，偏覺弓鞋會躡空。

昭君紙鷲

袁枚

玉門春老恨難忘，猶逐東風謁漢王。
環佩影沈天漠北，琵琶聲在白雲鄉。
素絲解作留仙帶，細雨彈成墮馬粧。
莫怪洛城多紙貴，畫圖終日對斜陽。

鹵虎

吳偉業

南山五日鏡奩開，綵索春葱縛鞅材。
奇物巧從蠶館製，內家親見豹房來。
越巫辟惡鏤金勝，漢將擒生畫玉臺。

最是鹵絲添虎翼，難將續命許牛哀。

茄牛

梁同書

落蘇肥摘九秋初，裝點身形露地如。
朽質乍驚蒙體繡，蓬心豈任壓腰書。
須教幼圃容眠草，未免唐園怕蹴蔬。
記得畦丁嫁時意，祝他天漢駕靈車。

全

全

睨彼牽牛不服箱，此翁遊戲豈尋常。
羞稱世味鑽蘿菜，壓倒貧家纏齒羊。
竹馬兒童防抵觸，蓬辛幼婦費端相。
眼前不少麒麟棧，瓜架閑譚一品量。

全

全

芻狗文章笑我曹，園官遊戲幻神尻。
不須金絡為繒後，何用羅紋替畫毛。

舉例似教鮭作菜相肥合與瓠同牢
禮經特殺終當戒烹不能鳴意最高

紙菊

邱璋

雲藍深淺疊層層剪出西風宛裂繒
搗汁可為修鳳助餐英或許蠹魚曾
闌邊點筆疑桐葉籬下分箋誤刻藤
倘釀醇醪招記室洛陽酒價也須增

錢

袁枚

誰開九府製泉刀從此黃標又紫標
千古帝王留字去萬般人事讓兄驕
椒房手迹傳唐代堯廟碑陰記漢朝
莫說仙家最清冷也須金液上丹霄

全

全

不須薇蕨說高風到底夷齊是命窮

剪紙賄能通鬼國博臬天尚借劉翁
杖頭有處春堪買坐上無時酒欲空
怎怪南唐癡長老心經一卷寫當中

全

全

風吹荷葉滿池斜老去持籌敢自誇
早買名山非壘斷不騎仙鶴也豪華
富徒慳守貧何異求得分明去亦嘉
我有青蚨飛處好半尋煙水半尋花

半錢

沈德潛

姹女河間數忽停飛蚨已破舊時青
平分輪郭難成式盡改方圓不受形
留得看囊仍是澀縱教使鬼也無靈
沈郎榆莢依然在園影垂垂散滿庭

香

袁枚

老去荀郎感歲華，
簷唐粘濕尚成家。
空中仙過靜聞樂，
櫺外月明知有花。
雞舌自含芳訊早，
旃檀偏抱逆風嗟。
何當盡取懷中字，
燒作青詞上紫霞。

全

趙翼

何處清芬透露華，
機參鼻觀本禪家。
佛仙可接先通氣，
蜂蝶無端便覓花。
名士百斤非重物，
師門一瓣有餘嗟。
山齋自愛焚修課，
不羨金猊噴似霞。

灰

朱霞

浩劫曾聞一霎消，
輕微仍自逐塵塵。
秦坑久冷氛猶在，
漢獄重燃氣不驕。
煖貯紅爐深待撥，
飛騰玉管駭初調。
丹心若不隨埋滅，
費下還應及未焦。

塵

黃任

每伴遊絲十文餘，
亦曾穿隙亦凌虛。
美人小閣懷清路，
公子長楸奉屬車。
紫陌乍消疎雨後，
朱門頻起曉風初。
獨憐京洛緇衣重，
拂拭何堪再曳裾。

全

全

赴風高颺逐風低，
每傍車輪撲馬蹄。
避汝可堪頻障扇，
伊何處覓靈犀。
濛濛最愛迷當路，
滾滾終教踏作泥。
惟有潔身歸去好，
斷無一點到幽棲。

全

恆仁

穿簾日影見飛飛，
一陣輕陰何處歸。
自有清心如皎魄，
誰言素質化緇衣。
馬前豈受將軍拜，
扇底何勞丞相揮。

寄語梅花詩欲就筆端無復惹纖微

早梅

張麟書

夢寐難忘姑射姿春山無伴每相思
誰將暖律翻三弄卻遣芳魂逗一枝
淺瀨影疎人小立曲簾香動鳥先知
賞心不待花如雪好在寒冰未解時

紅梅

范朝佐

淺抹胭脂濃抹妝寒心也肯入群芳
瓊枝儘自饒春色艷蕊多應妬曉霜
折寄隴頭驚驛使開從津口誤漁郎
鐘聲催落黃昏月別是消魂一種香

全

舒位

細雪霏霏冒院門醉紅深淺早黃昏
經時翠羽飛無路幾度朱樓夢有痕

春水欲迷桃葉渡酒人空憶杏花村

東風芳信年年負更取坡公句子溫

黃梅

任兆麟

霜林搖落問誰芳素蕊黃絕物外粧
殘臘風高留滿樹空庭日煖吐奇香
幽姿先逗春風信殊品應教范譜詳
幾度尋思憑夢見消寒誰與汎金觴

全

吳錫麒

惆悵銅街折贈時殘年重與素心期
冷蜂相抱影同瘦新月乍生香獨知
客到官醅開密甕夢回清磬閣橫枝
縞衣正怕能欺得禁架新寒欲放遲

全

全

別有真香味外傳已交三九小寒天

南風記送千家雨，壞衲來參五祖禪。
嚼蠟心如吾輩淡，塗梔粧比內家妍。
一枝欲乞西湖寄，好配寒泉薦水仙。

綠梅

程鏡

栩栩東皇欲現神，一枝墻角駐青春。
蔚藍天外迷孤影，翡翠簾前送巧聲。
修竹千竿相共老，明珠十斛未全貧。
風情每憶歐家碧，畢竟誰稱第一人。

全

許炳

誰將流水洗芳塵，深竹間園認未真。
碧玉身回猶入夢，綠珠魂返尚含春。
雪中乍試荷衣冷，月下重連翠袖新。
漫擬天涯楊柳色，折來須寄隴頭人。

蠟梅

全

生香不斷欲相依，肯與孤山高格違。
歲暮蜂稀餘蔕著，春前露涿近蕊微。
冰魂半醉鵝黃酒，玉骨輕披金縷衣。
爲問清名誰第一，荷花漸降九英微。

全

吳之振

梅氏雲仍譜牒聯逍遙，一派別爭先。
檀燒僧鉢衆香國，蜜熟蜂房小有天。
黃面優曇藏粟顆，金衣仙子濺珠圓。
撩詩破睡還嫌汝，擁絮閑人舊姓邊。

冰心蠟梅

朱意珠

一樣南枝結束殊，額黃點點水雲孤。
天寒只合藏金屋，心淡誰知託玉壺。
風動麝臍珠夥細，月明磬口雪花麤。
清標若遣涪翁見，可有嘉名更喚無。

玉蝶梅

袁一樹

分得羅浮種，獨奇莊生夢裡是耶非。
未逢花信心先動，才及東風翅欲飛。
和月冷疑千瓣雪，破寒高撲一春暉。
唐家池館笙歌歇，零落滕王舊舞衣。

盆梅

邱璋

低枝斜幹護雲根，點點疎花發瓦盆。
未許芳心馳驛使，卻容撮土返香魂。
密封雪意重重帳，暗鎖春風窄窄門。
局促不須愁牖戶，外閒免受俗塵昏。

庭梅

鮑之鍾

舊家窻格破堦除，瘦影離離十載餘。
常對俗人猶覺雅，每于濃處卻交疎。
香清忽到無多日，夢遠相依有索居。

此夕天涯千萬樹，月中煙外各何如。

籬角梅花

郭起元

誰移一樹向溪濱，撞障周遭隔俗塵。
耿介那須求廣土，幽荒何事滯佳人。
尋詩不向陶公逕，把酒還呼杜老隣。
向晚東林明月上，風光占斷小園春。

溪邊梅花

全

清溪幾曲暗香通，喜見仙標古渡東。
漢女珮搖珠燦爛，洛妃影度玉玲瓏。
不嫌冷淡漁舸雪，肯受淒涼荻岸風。
白鷺飛來還共宿，阿誰描入畫圖中。

雨中梅花

全

江寒城郭雨霏霏，著屐探春願未違。
劇愛瓊苞添潤澤，不愁玉骨減芳菲。

魏宮湯試何郎面，巫峽泉沾神女衣。
好整綸竿煙水宿，孤山應自有苔磯。

霧裏梅花

全

冷霧迷漫罩玉容，相看儼似隔簾櫳。
淡粧未許分明見，幽韻猶能隱約通。

西子顰將輕縠掩文君，倦倚碧紗籠。
枝頭欲覓春深淺，欺盡人間老眼矇。

梅信

吳錫麒

十日東風凍欲消，漸催春意上花梢。
黃昏破暝生初白，水墨和煙盡數椒。
索笑茅檐猶落落，籠香竹樹不蕭蕭。
青山舊約今須踐，准擬撐舫趁早潮。

落梅

董潮

狼藉殘英遍水涯，東風何事洗鉛華。
籬邊暮雨依修竹，郭外輕陰讓杏花。
雪盡溪堂人臥病，寒生江店客思家。
蹇驢更有行吟處，幾片低飛破帽斜。

全

吳錫麒

鐵笛江城昨夜催，東風明月與徘徊。
前身流水杳然去，一片白雲吹不回。
有底啁啾煩翠羽，無多情味在青苔。
逋翁墓上吟詩歇，尚賸游心憶米堆。

全

全

落梅風急乍陰晴，相對還憎氣味清。
采筆幾經留好句，幽閨曾與訂深盟。
一簾香雪春無語，滿地梨雲月正明。
萼綠仙人本高潔，花開花謝觸吟情。

杏花

徐熊飛

指點煙村古渡頭，醉痕濃染雨初收。
春陰垂野碧無際，花影出牆紅滿樓。
社日田家剛睇燕，午風林薄忽鳴鳩。
洞簫莫感長條雪，夜月彭城憶舊游。

紅白桃花

趙曉榮

度索移來別有姿，襟英濃淡影參差。
如探苑杏春風暖，卻剩江梅宿雨滋。
交媚依然連理樹，紛披謾道寄生枝。
芳園此日花爭放，底事渾疑半蒼垂。

白桃花

程鳳詔

桃花灼灼倚雲開，玉骨應非道士栽。
種別瑤池渾似雪，香分露井勝於梅。
渡頭不減梨花塢，洞口還疑明月堆。
寄語東皇須護惜，莫教零亂落莓苔。

全

趙翼

一種穠花玉作根，曼殊獨壓眾芳繁。
武夷水映春無色，露井風閑月有痕。
莫是綉衣還入夢，直教紅粉不銷魂。
夕陽倩影欣相對，翻愧酡顏醉酒樽。

瓶中桃花

朱景英

看人萬事鬪豪華，借取春風坐一家。
略似中年寫絲竹，恰逢上日度鶯花。
殷勤解戀烏皮几，踏藉生憎白鼻騮。
知汝憐才能避俗，伴予應不怨天涯。

全

朱景英

劇愁風雨誤春天，剪袂繁花儘醉眠。
前度再來空有恨，去年今日此為緣。
水居倍護三分艷，瓶隱留參半世禪。

見說小紅猶未嫁，肯扶白石作頑仙。

金絲桃 全

鞠塵吹上素娥衫，詞客尋芳費短吟。
種種難成延命縷，絲絲叢作刺心鍼。
袍原未緋羞受寵，衣縱被黃恥見金。
六出漫將桃並比，好同詹蔔傲香林。

櫻桃 王鳴韶

鶯含朱果正嘗新，薦寢分甘味最珍。
共訝滿籃堆鞞鞞，不知萬顆勝珠蟻。
何來絳雪團成實，乍映瑛盤色卻勻。
龍目側生猶未熟，輸他奇品冠三春。

薔薇 郭杰

江南草長鶯啼候，野客多情入畫圖。
弱蔓似狂和影亂，軟紅如醉索人扶。
香浮滿架春無力，露滴輕甌病欲蘇。
最是東山相憶久，青絲幾度挂烟蕪。

瑞香 林大中

何須綠葉及秋刪，最愛芳心臘後還。
人惜嘉名湮蜀地，天教清夢託廬山。
金爐瑞氣沈檀水，玉殿香風紫袖閑。
但得薰籠盈尺錦，儘容高臥掩花關。

李花 張承先

誰伴陶家姊妹來，崔徽宅裡共徘徊。
一枝調粉迎風笑，千樹攢霜映月開。
漠漠有香沾綠鬢，霏霏似雪點青苔。
清芳莫訝手姿淡，不是瑤臺不稱栽。

海棠 秦冲

眾卉爭妍總不如，釵橫鬢亂最憐渠。

清言金
胭脂頰上三春色，董蕊梢頭二月初。
只合綠章陳月殿，莫教冰甲薦鱗魚。
賞吟愧少東坡句，坐對名花思有餘。

全

程鏡

纖條低亞亂垂絲，料峭春風力不支。
依倚深宮初睡起，曹騰宿酒未醒時。
定教鳳鳥來栖早，莫恨梅花作驛遲。
彷彿昌州佳郡住，香霏閣畔好題詩。

繡球

許振鳳

誰簇輕毬綴樹端，隔牆拋影落闌干。
玉柔巧琢梅千朵，香暖難消雪一團。
宛轉芳心慵蝶繞，玲瓏花樣素鱗攢。
若飛華萼樓前去，沈醉三郎應悞看。

牡丹

趙翼

膩粉濃丹發艷光，龍頭端重不輕狂。
自令芍藥甘爲婢，應與芝蘭並稱王。
曾記帶酥豪士送，未容插髻美人粧。
腐儒愛惜中人產，也對深叢一舉觴。

全

全

春風滿面好容光，十五盈盈出畫堂。
天下有花皆避席，豪家無處不飛觴。
寫生只合煩周昉，入貢曾傳自洛陽。
笑我素嫌脂粉氣，也教軟盡鐵心腸。

綠牡丹

嚴鉉

錦堂碧月夜深深，葉底花光爛熳新。
寒護窻紗虛月幌，香開尊酒坐花茵。
雙鬟雲擾秦樓曉，十斛珠藏金谷春。
芳艸易迷宮扇影，隔幃初拜衛夫人。

白牡丹

秦冲

靚紅歐碧鬪芳芬，玉貌盈盈誰似君。
斜日珠欄紛作雪，曉風錦帳細裁雲。
稱尊合擅琉璃國，殿後能提組練軍。
自是無心爭富貴，莊園一本摠難群。

紫牡丹

趙曉榮

碧盎誰移洛下春，魏家妝束見來真。
芝顏曄曄迎風豔，薇雪霏霏映日新。
百寶欄前供賦客，四香閣裡聚詩人。
繁華自昔承恩寵，賜紫於今倍護珍。

紅牡丹

趙翼

姚黃魏紫已稱妍，高格還應讓絳仙。
著到緋袍原富貴，映來紅袖倍嬋娟。
寫生尚覺胭脂淡，吐艷偏爭鞞鞞鮮。

莫惜倚闌留玩久，餘光猶鬪晚霞天。

僧舍牡丹

許真鳳

淨土栽培鹿韭根，花王供養法王尊。
天香遍滿慈雲界，國色長依甘露門。
且對穠華留翰墨，何勞欣賞費盤飧。
梵音不是清平調，休向東風暗斷魂。

九月牡丹

袁枚

三月繁枝九月抽，驚看穠艷捲簾鉤。
紫雲題句因紅葉，青女飛霜到絳樓。
花自過時仍富貴，天無成見作春秋。
桓榮晚遇顏郎早，各向尊前掉白頭。

芍藥

許振鳳

紅藥抽開金縷囊，翻階姿態靜含芳。
巍峩寶髻誇宮樣，重疊珠樓現曉妝。

後楔三春依鄭俗，卷簾十里憶維揚。
若將富貴尋常看，未必斯花不占王。

白芍藥

吳錫麒

一曲新詞唱解紅，萬花高會素心同。
擔來清曉豐臺月，洗盡浮華鄭國風。
味可破禪情不淺，春當婪尾色先空。
膽瓶相對渾如水，珍重頻教下綺櫳。

罌粟

沈模

疑來蒼玉滿庭芳，蜂戀花枝粉墜房。
珍味雖傳堪作腐，佳名猶厭僅成囊。
迎入笑靨風迴袖，倚檻嬌容雨洗粧。
最是春鶯聽未得，幾經玩賞引壺觴。

珠蘭

一名魚子蘭

許振鳳

纖黃稚白最清幽，鼻觀相娛直到秋。

叶夢且通燕，姑霞惹香如坐鄂君舟。
咩胎秘覺芳馨少，雀舌能將氣味收。
一粒一珠紐作佩，不隨茉莉插人頭。

同心蘭

朱昆田

一雙玉女鬪嬋娟，素質亭亭看比肩。
蝴蝶作團停業底，蜻蜓相戴立風前。
宵幃共縮鴛鴦結，曉鏡齊拈翡翠鈿。
好與吳娘新髮樣，不須依舊學秋蟬。

並蒂蘭

全

弱幹同心已足誇，又看並蒂發瓊葩。
水妃共踏承雲鞵，宮女爭勻襯臉霞。
丹竈紅休憐一線，珠江碧漫詫雙丫。
惟應插上麻姑髻，絕勝仙家綠玉花。

素心蘭

趙曉榮

楚畹分栽吐穎奇，冰華神韻藐仙姿。
不隨凡卉爭紅艷，自擅清標挺碧枝。
正則孤貞空應爾，羅含精白漫相欺。
幽人還往塵襟洗，雅賞徐斟粉定危。

餅蘭

印照

綺石黃磁憶輞川，幽香研几總脩然。
平臯有露何曾被，九畹無家終自憐。
隱谷風煙餘衆州，曲江兒女數金錢。
箇中識得牢騷意，魂夢從君到楚天。

紅蘭

張宏

硃辨珠心楚畹姿，窗前搖曳醉西施。
日鎔軟晷珊瑚樹，風勁寒凝絳雪枝。
香意荀郎衣染處，花容湘女淚枯時。
若教識得東皇面，丹杏紅桃總見嗤。

風蘭

方登嶧

疑是當門種，被鋤芳魂吹度舊根株。
杜蘭香墜凌空艷，少女風懸含笑圖。
藝去湘江嫌土淺，倚來謝樹倩人扶。
落花飛絮還惆悵，肯信飄蓬影竟枯。

秋蘭

朱逢泰

誰向湘臯覓賞音，忘言入室獨情深。
已甘抱璞藏空谷，應有遐思托素琴。
秀色最宜清露潤，孤芳肯受俗塵侵。
秋來無事傷遲暮，籬下黃花共此心。

伏盆蘭花

朱鈞杰

謝氏輸君別樣裁，幾葉隔歲復花開。
騷人紐佩攜魂去，高士調琴整鶴回。
碧葉何須翡翠點，孫枝豈藉露華培。

清人詩物言金
幽芳一種真堪羨，不與群花共凍荃。

木蘭

殷維鐸

微風微雨過清明，新露初聞杜宇聲。
日下紫房霞共艷，露中素面粉全輕。
舟行楚澤晴波遠，人醉唐宮麗曲成。
莫作妖嬈兒女態，前身曾記請長纓。

銀薇

張承先

名借星垣一種芳，淡妝宜對紫薇郎。
培塿夜斷繁華夢，畫省風含冰雪香。
金粉末勻人似玉，碧霞飛盡月如霜。
蕭疎雙鬢愁看汝，銀箔低垂卧艸堂。

楊花

邱璋

天半游絲欲挽留，悠悠揚到處未能休。
辭枝恰與朝雲散，卷地偏緣暮雨愁。

無力拋殘金絡尾，有情飛上玉搔頭。
相逢莫使嫌輕薄，勝是銷魂感素秋。

全

燕以均

小院無端點綠苔，問他來處費猜疑。
春原不是一家物，花竟偏能離樹開。
質潔未堪污道路，身輕容易上樓臺。
隨風似怕兒童捉，才撲關干又卻回。

菜花

吳錫麒

人來隴外已蜂聲，別有真香遠更清。
田水四圍謀野醉，夕陽一色畫春晴。
乍舒桑眼迷迷接，罷摘臺心續續生。
計日三車催小滿，油花預要卜收成。

全

趙翼

始信東風氣力深，盡將原野作芳林。

莊嚴老圃三春菊，富貴田家滿地金。
正色遙分曇佛面，濃香不上女郎簪。
前劉縱失桃花約，羞免空來紫陌尋。

全

梁同書

菅茅矮屋帶疎籬，春入郊原爛熳吹。
一色暖鋪黃襖子，幾家晴放蜜蜂兒。
未妨少婦銀釵並，莫遣豪門錦障知。
也要青青裝點在，桑芽政努一枝枝。

麥花

陸楊榮

曳步晴郊午日長，愁看麥秀兩三行。
何當閑處逢昏黑，回遡生來飽雪霜。
經得風多俄作浪，磨成屑後愛留香。
誰將村舍尋常味，貢與天家白玉堂。

石榴花

吳偉業

碧雲翦翦月鈎鈎，狼藉珊瑚露未收。
絳樹憑欄看獨笑，綠衣傳火照梳頭。
深房莫倚含苞固，多子還憐齟齬羞。
種得芎蒲堪漬酒，劉郎花底拜紅侯。

全

張允武

碧池新水卷風荷，已報中庭綻錦窠。
少婦種時含露淺，晚鶯啼處落花多。
一宵紅雨頻燒燭，六幅春裙乍剪羅。
曉摘鏡臺拈弄後，幾回妬爾醉顏酡。

六月菊

何士顯

秋菊偏開盛暑天，天教老屋得秋先。
嚴霜可傲香原冷，熱境能忘品更賢。
隱逸淨宜荷作侶，長生閒愛日如年。
北窗對久入初倦，又結羲皇一臥緣。

全

全

寒菊公然冒暑黃蒼蠅側翅遠相望
東籬共訝西風早秋士偏貪夏日長
試把一燈來照影焉知六月不飛霜
數枝冷艷當階立愁殺紅蓮不敢香

木綿花

方登澤

春光爛熳木綿紅赤帝園林二月中
火齊珠懸南海廟珊瑚樹繞越王宮
枝高蠹時將枯影色好虛無結實功
飛絮漫令膏血盡幾人安燠護寒風

白蓮

孔繼泰

西子湖頭却晚粧不將妖艷炫銀塘
濂溪最愛清泉濯甫里曾傳曉月涼
碧菴擎來渾失影瑤階行過但聞香

天然素蕊無彫飾皎皎風姿獨擅場

全

全庭芝

月曉風清水閣涼玉盤捧出冠群芳
不隨雲錦爭妖艷卻向瑤臺試淡粧
洛浦佳人環佩冷湘川帝子夢魂香
素娥本是天仙女謫配人間傳粉郎

錦邊蓮

楊陸榮

輕羅幼碧逞仙姿形影雙清逝水知
血縷半痕圍大限粉香全面障寒颼
襦從裂後無完錦心到空來有斷絲
聞說枯枝高折處一雙彩翮正飛時

牽牛花

汪景龍

歲鞋涼映碧羅天初啓蟪蛄色最鮮
秋到星橋人未渡月斜河漢夜生憐

清人詩集
四十六
柔條嬈嬈因風舞，密蕊娟娟帶露妍。
恰是懽情當七夕，滿庭冷翠致纏綿。

全

徐薊坡

墻腰籬角碧茸茸，小艸閑庭點綴工。
弱質愛露秋雨翠，芳心愁對曉霞紅。
涼分銀漢迢迢水，香送苔階冉冉風。
盼斷鵲橋人去杳，幾枝疎影伴吟蟲。

雞冠花

張學海

昂然挺秀，傷彫爛，燦爛宛同鶴頂丹。
血染朱纓，疑赴鬪，霜侵絳幘，欲啼寒。
搖風似蹴，劉琨舞，滴雨如聞，賈禹彈。
翠羽翩翩，殊自得，蝶蜂休觸，怒衝冠。

鳳仙花

袁秋卿

朱闌風掩日初長，鏡砌鋪庭愛晚涼。

金鳳小名誇並蒂，玉階新蔭喜成行。
頻邀素指輕調色，不惹遊蜂遠採香。
放卻畫簾低護影，女兒窻下正梳粧。

全

戴蘭英

暮春時節手親裁，歷亂嫣紅次第開。
風動乍疑飛鳳去，月明還認降仙來。
猩紅試染纖纖指，弱本還依淺淺苔。
羨殺娉婷迷五色，傍人菊婢漫相猜。

剪秋羅

胡德琳

輕風一剪滿天秋，羅袖凝寒起暮愁。
春勝何曾誇上苑，方空猶自說齊州。
燈紅刀尺初開幌，月白砧聲獨上樓。
機杼不殊情緒別，絲毫早被錦囊收。

全

全

刺楸鏤冰費網羅，苦心誰復識陰何。
由來花樣隨時異，自古文章剪綵多。
盼睐不期秋水活，珮環一任晚烟拖。
漢宮老去餘聲價，好向天階訪馭莎。

茉莉

黃任

剪雪鏤冰帶月籠，湘簾斜捲影空濛。
色迷縞袂潛踪過，香辨烏雲暗面通。
粒粒掇來珠的皜，絲絲穿去玉玲瓏。
貪涼好並閒庭立，消得依稀扇底風。

全

全

纔種瓊姿護綠苔，紛紛白碎粉牆隈。
最宜玉手纖纖摘，愛上香鬟細細開。
茗椀半分貽鈿盒，棕籃小貯報奩臺。
枕邊一朵含風露，簾向西廂拜月來。

虞美人

張學海

殉節堪憐劍血紅，化成佳卉舞春風。
盈盈艷抹脂千點，薄薄香勻粉一叢。
漢苑雙深魂不到，楚宮情重夢應通。
虞兮雖沒花猶在，卻勝重瞳霸業空。

白秋海棠

吳錫麒

金屋年年春不常，轉從冷淡識瑤芳。
悄懷無奈夜如水，清淚不知天雨霜。
想像夢回銀漢底，商量瓶隱玉簪旁。
歌聲縱唱紅休洗，怕已臨風早斷腸。

全

全

身不曾歸色界天，愈清清處愈娟娟。
儘添雲護涼猶怯，獨倚月明秋可憐。
人訝綺粧逢卓女，我思粉本付黃筵。

流螢豈比燒銀燭，略認星星泣葉邊。

洛陽花

一名瞿麥

吳偉業

綠窗昨夜長輕紗，玉作闌干錦覆窠。

丹靨好描秦氏粉，墨痕重點石家螺。

剪同翠羽來金谷，織並紅羅出絳河。

千種洛陽名卉在，不知須讓此花多。

紅蓼花

袁秋卿

此花不耐清幽，多傍池塘礙小舟。

幾處夕陽紅入岸，數條疎影醉扶秋。

遙連雲水迎新雁，亂縮蒹葭映碧流。

不折閑花空過眼，陸郎沈醉在刀洲。

月中桂

全

團圓桂影碧天涼，萬古扶疎一樹蒼。

縱使有風花亦靜，偶然落子夜聞香。

繁花不動無寒暑，群木伊誰共短長。

莫說紅塵相隔遠，也曾斫削到吳剛。

蘋花

徐熊飛

苔溪烟漲碧流離，粲粲蘋花點水湄。

小朵最宜涼雨後，清芬忽度晚風時。

秋深澤畔吳均記，日暖江南柳渾詩。

沙尾香芳攬盈手，綠萍紅蓼共參差。

菱花

徐熊飛

秋光卷画到吳興，花發汀洲萬頃菱。

斜抹雲煙紛雁汊，亂隨風浪買魚罾。

六朝樂府新詞在一抹，瓊姿媚態增。

背白自開還自落，水天四面緞長繩。

野菊

何士顥

幽翠秋山望不分，亭亭野氣淡斜曛。

絕無人處偏逢我，不寄籬邊卻羨君。
手植何心，煩老圃嚴栖有意伴，閑雲

臨風瘦影何岑寂，落葉蕭蕭隔嶺聞。

白菊

徐元龍

幽人逸致異群芳，金作鈿心玉作裳。

老圃風清西子舞，寒籬月白壽陽粧。

和丹共搗蓮花瓣，送酒誰攜雪液香。

獨岸接籬看，不厭愛他晚節傲嚴霜。

西子舞壽陽粧俱菊名

全

黃任

簇簇叢叢卧晚涼，鶴翎墜地雪堆牆。

淡交不語心俱素，縞袂相將酒亦香。

粉壁乍搖三徑月，銀盤新剪一籬霜。

風尖露重愁將別，腸斷斑驢送陸郎。

露菊

沈模

籬邊秋色露霏霏，瞥眼溥溥日未乾。

三徑似經微露集，幾叢欲帶曉霜飛。

餐英客去愁濡足，送酒人來怕濕衣。

恰有萸囊相掩映，胭脂一捻潤揚妃。

菊名

紅芙蓉

林太中

晴霜乍降綠池空，木末清姿照鏡紅。

不共荷花承曉露，尚留梧葉向寒風。

曼卿宅寄明霞外，孟祖城居初日中。

我欲為裳還自集，秋來橫錦遍江東。

白芙蓉

許振鳳

綽約丰姿媚野塘，鉛華洗盡倍芬芳。

胭脂豈上秋娘面，蜀錦難裁靜女裳。

江畔人歸遺玉珮，漢臯月出混瓊霜。
耐寒高致同籬菊，何事文官尚艷妝。

蘆花

陳曦

空江淼淼練光浮，一片寒花瑟瑟秋。
殘月曉霜明遠渚，淡煙疎雨滿滄洲。
飄來次第銜賓雁，飛去參差點宿鷗。
野岸西風無限思，眠雲深羨釣魚舟。

秋後紅梅

嚴鈺

江妃退老洗粧新，團扇徘徊面澤勻。
疎影只疑霜後葉，緒風先報隴頭春。
秋防北上橫羌笛，驛使南來逐雁臣。
爲語階前好兒女，漫施朱粉逞精神。

傍植
鳳仙

茗花

徐熊飛

水邊花塢淨，無塵碧樹秋。冷玉蕊新，
清露晨流。長獨笑芳心潛抱，不爭春。
遙分綠雪，明窻底淡抹黃螺，古澗濱。
莫怪蕭疎，傷幽竹。由來佳茗，似佳人。

全

全

冰雪靈根白玉姿，井華相映碧參差。
僧歸古寺香盈握，鶴警空山露滿枝。
羅幃幽芳穿石出，翠巖芳信得秋遲。
花間憶共茶人語，正是風清月曉時。

水仙

王鵬飛

黃冠翠帶絕塵埃，應與梅花作伴來。
芳洲更誰餐八石，蕭疎底事卧重臺。
蒼梧月冷相靈望，夢澤霜清騷客回。
自是酒杯風味好，吾鄉盃盞慣能開。

全

吳錫麒

懷之渺渺見娟妍，相憶相逢各有緣。
高格自描燈上候，小窗清供雪晴天。
湖頭廟已寒泉薦，海上琴誰古調傳。
願借微波託心素，今宵月落未能眠。

蕎花

玉汝璧

近如積雪遠如波，天淡雲閒秋氣加。
繡隴香風先宿麥，野田儉歲補嘉禾。
珊瑚小立禁霄露，玉蕊平鋪勝疊羅。
辛苦冬春纔一飽，平津脫粟意云何。

茅花

唐靖

吳軍皚被練，白衛女纖纖垂手柔。
半畝輕雲飛不去，三春白雲晚能留。
風來錦就江波濯，月照絲臨織室抽。

采采欲將遠道寄，美人遲暮迥生愁。

風花

趙翼

曾傳香氣結樓臺，巧布網緼又一回。
長養原憑吹籟出，續紛恰似帶薰開。
詎愁片片春飄落，不待番番信送來。
宋玉漫誇能作賦，筆端終乏採花才。

落花

袁枚

江南有客惜年華，三月憑欄日易斜。
春在東風原是夢，生非薄命不為花。
仙雲影散留香雨，故國臺空賸館娃。
從古傾城好顏色，幾枝零落在天涯。

全

全

不受深閨兒女憐，自開自落自年年。
清天飛處還疑蝶，素月明時欲化煙。

空谷半枝隨影墮，關干一角受風偏。
佳人已換三生骨，拾得花鈿更黯然。

全

趙翼

綺窗一枕小游仙，腸斷穠華過去綠。
薄命生招風雨妬，多情枉受蝶蜂憐。
更無一語歸何處，再欲相逢動隔年。
綠已成陰芳早歇，鬢絲愁絕杜樊川。

全

全

芳園蕭索似經秋，滿地殘紅爛不收。
過客也驚停履齒，小鬟猶誤覓枝頭。
描來粉絹空神似，解到金鈴只淚流。
飄落不知何處去，又因藩溷替他愁。

春柳

原四

袁枚

已讓梅花一著先，尚傳芳訊早春天。

驟開青眼如相識，拋得黃金便少年。
十里遠遮江店小，半生閒抱酒旗眠。
東皇有意相憐惜，莫使橫陳大道邊。

全

全

裊裊鶯黃帖地柔，鞦韆扶影出牆頭。
受風身比群花活，照水眉生滿鏡愁。
古渡有誰嘶白馬，酒家無處不青樓。
千條萬緒情難盡，舞到黃昏尚未休。

夏柳

邱璋

碧絲風颺晚涼天，瘦影蕭疎落照前。
繞岸依依攀正苦，臨流裊裊贈誰憐。
蟬聲截斷千絲雨，燕影斜分萬縷煙。
回首章臺離思杳，不逢搖落早凄然。

秋柳

李鴻逵

長長西風拂綠川，柔姿瘦影總堪憐。
拋殘細雨三春夢，送盡寒堤十里煙。
憔悴江城誰繫馬，蕭條古驛尚鳴蟬。
踏青人去何須怨，好待明年二月天。

全

王倩

芳姿濯濯憶當時，斂笑含顰總自知。
笛裏有聲傳好信，風前無力漾殘絲。
煙消遠浦斜陽淡，月冷荒堤瘦影垂。
倚遍闌干人不見，蘆花如絮又相吹。

驛柳

趙翼

驛遠垂柳長風輕，萬縷千絲罨路程。
露網暫停應繫馬，戍樓相傍好聽鶯。
蕭疎幾聞人來往，飄颻如隨吏送迎。
候館青葱堪入畫，輪蹄喧處有餘清。

全

全

幾家新綠映鞦韆，獨向郵塘冒野煙。
館客快當千步障，旣奴軟借一條鞭。
三眠倦識征途苦，十里行逢密蔭圓。
欲爲高柯徵故實，滁州古驛至今傳。

古槐

毛思義

濃綠依稀十二街，參天高處陰無涯。
聽音可似尚書省，會市渾疑博士齋。
醉後夢原空色相，花時黃記舊情懷。
清陰永日婆娑好，不羨紅翻芍藥階。

秋桑

徐熊飛

叢條盈野早經霜，持斧曾看伐遠揚。
秋漲平時多抱岸，板橋斜處忽遮牆。
茅檐客到聞疎雨，柘館天寒易夕陽。

更念江南老桑苧，蹇驢重戴獨徬徨。

方竹

黃任

天教換骨滑川陰，別有丰裁世所欽。

圭角未圓終勁節，廉隅自愛本虛心。

如稜合製匡床整，中矩宜栽斗室深。

若使伶倫曾作管，定吹從律八風音。

全

全

如磋如切結根新，淇澳遙通玉水濱。

與我崖然空取友，此君卓爾本端人。

失身忍作規圓杖，吹籟真成折角巾。

不信龍鍾蕭散客，卻修邊幅上嶙峋。

全

全

舊族篔簹谷裏移，別垂典則到孫枝。

森森介石溫而栗，步步周行矩且規。

遮定門牆轉高峻，嶄然頭角便岐巍。

月明要看如珪樣，斜上闌干界影時。

朱竹

周亮工

高情直與晚楓隣，嗟舞安知醉有辰。

舊族傳為絳縣老，孫枝近作赤城人。

瀟湘淚盡終餘血，淇澳花繁不是春。

曾在龍門柯畔立，支離更見麴中身。

天竹

李鴻逵

名分翠竹重南天，不似蕭疎弄晚煙。

萬點玲瓏苔砌側，數枝的皜雪霜前。

色偷火齊千重艷，光奪珊瑚七尺妍。

偏是經寒看更綻，離離絳粟映欄邊。

竹實

陸奎勳

清風搖漾萬琅玕，拔地捎空秀可餐。

清人詩集
異事不緣花結實，和鳴已看鳳交鸞。
瓊林顆顆滋神液，金骨珊珊轉上丹。
爲是攬輝依閣下，米珠無復話居難。

笋箨

邱璋

新脫琅玕土，漸鬆竹皮猶護兩三重。
霜含粉節香初透，露濯犀文色更濃。
翠條亂抽風簌簌，紫苞暗拆艸茸茸。
枯米留得青莖好，濟勝居然七尺筇。

栴檀

黃任

蒲衣劍佩綠繽紛，瘦骨扶疎挺不群。
自愛廉隅森似束，巧將條理密成紋。
編裘慣獵千山雨，截竹時穿絕磴雲。
好戰西風鳴策策，酒醒池館夜深聞。

楓葉

陳曦

木落蕭蕭暮景寒，參差艷色占江干。
煙籠雨後千林紫，霜染秋來一樹丹。
碎錦隨風飄曲迥，斷霞帶日映層巒。
閒情誰似樊川老，是處停車仔細看。

瓦松

吳錫麒

如是青青不耐看，居然森立繞簷端。
冰霜柯葉斜溝蹙，風雨龍虬古塔寒。
敢望屋頭烏愛及，漫憐堂密鼠知難。
夕陽縱占人間好，華屋山邱一例歎。

松皮

邱璋

溜雨參天一例看，看黛皺繞幹盤盤。
踏殘鼠跡霜痕裂，飛出龍鱗澗氣寒。
摩頂曾經邀骨相，聚芝可信是金丹。
莫誇嬴政封高爵，尚坐脂韋稱職難。

松華

全

宿儲林下得長存，
崑嶺孤芳發舊根。
暖放蜂衙驚蜜熟，
香生螺椀報茶溫。
四山黃霧疑無路，
三徑青苔半有痕。
倘釀醇醪應勝菊，
數斟猶記在南邨。

全

查慎行

謾謾風吹墜粉乾，
似花仍不作花看。
滲成竺國瞿曇面，
染得華陽道士冠。
鶴翅勒來因掃拂，
蜂鬚難覓為高寒。
神方果有輕身訣，
劇取陰脂試共餐。

松心

邱璋

石礪中腸鐵鑄肝，
眾芳搖落歲初寒。
保霜梅遜三分白，
向日葵同一寸丹。
縱到凋時留直在，
除非破後見真難。

朝廷啓沃深，
期爾勿作空山木。
長官

松脂

邱璋

流潤飛津老，
不枯凝成琥珀壓珊瑚。
地淪難餉三高士，
法密偏寬五大夫。
啖柏有方同辟穀，
生藍無玉卻推酥。
何當鍊得長生術，
抱犢山中學趙瞿。

松鍼

全

磨鍊冰霜歷歲時，
堅如鐵更細如絲。
山圍天上疑穿綫，
石化雲根似引磁。
荀徑煙濃青點點，
秧田水滿綠差差。
他年十八封公後，
拜手還陳補袞詩。

綠陰

黃驥

又隨佳日蔭高齋，
目送林端闔正排。
幾處落花尋舊夢，
一溪流水問生涯。

濃分酒色，才浮盞細，凍苔痕欲上階。
便擬臨風過長夏，午陰遊戲綠槐街。

全

吳錫麒

雨綠吹過畫生寒，一徑陰陰鎖石關。
濃淡似兼煙翠活，淒迷不待夕陽殘。
時聞墜果當階響，略逗餘花借客看。
惆悵年年秋色裏，馬蹄踏碎葉聲乾。

黃葉

朱春生

荒郊極目影淒涼，木葉蕭慘競變黃。
疎柳板橋愁問渡，蒼葭秋水欲褰裳。
空山歸鶴驚微露，獨夜棲烏怯曉霜。
惆悵蕭晨搖落甚，不關風雨惱重陽。

蕉

陳廷棟

一庭秋色碧亭亭，斜映窻紗墨帶青。

竹蔭梧陰暑乍過，桃笙薤簟酒初醒。
空堂夢怯三更雨，深院涼侵六曲屏。
恰值臨池供潑墨，絨將一幘綠天銘。

江蘆

王鳴韶

槭槭梢梢帶晚曛，蒼烟一派綠痕分。
離披近接青山碧，拉瑟遙連晚渡雲。
葉偃平沙還戰雨，影隨巨浪自成紋。
最憐旅雁南飛後，淒斷秋聲不可聞。

萍

毛思正

南北飄流逐斷槎，相妃應作翠鈿誇。
托根未肯資人力，結實偏能借日華。
點點隨風依曲渚，飄飄逐雨上圓沙。
生成浪跡原無定，漫道前身是柳花。

女蘿

吳錫麒

窈窕巖阿煙嫋之絕難捫處亦多姿
松人立兩冠縷重山鬼呼風帶影垂
身藉攀援誰解脫屋屋經補綴賴支持
老夫慣與雲同臥製作山衣冷不知

春艸

全

高接林巒低水濱風光一片屬芳辰
但尋門巷渾無路豈為天涯減卻春
塞北至今青塚在江南相望綠陂新
萋萋送別先愁我不獨江淹是恨人

全

朱鈞杰

春到長堤一望同輕寒輕暖結芳叢
五更幽夢西堂裡三月離愁南浦中
小院安排歌扇綠間階掩映繡鞋紅
斜陽醉臥花茵晚牧笛橫吹隴上風

秋艸

梁善夢

秋風嫋嫋倍堪憐舊日曾來拾翠鈿
謝客詩成聞暮雨晉公莊廢賸寒煙
羅裙捉蝶經三月紈扇流螢又一年
太息紅心憔悴盡輸贏誰與鬪嬋娟

全

陳樹華

秋來無復舊萋萋漠漠平原入望低
閨淡尚憐雙蝶舞淒清偏恨亂蛩啼
纔零白露朝煙冷試映青袍暮色迷
何處王孫最惆悵瀟湘江北洞庭西

鴛鴦艸一名
忍冬

楊陸榮

羞作山鵲照臉明鴛鴦依舊占芳名
何妨並蒂差黃白只要同根共死生
帶雨藤交形影麗凌冬葉翠柏松貞

清人言牛言金
何當插羽雙飛去，掠盡人間太息聲。

雨荷

趙翼

洗盡纖埃吐艷姿，未嫌待澤較開遲。
步生仙子凌波處，座湧如來渡筏時。
翠蓋重逾晨露滴，紅衣濕向晚風披。
從知積潤增鮮麗，茶董朝來也似飴。

殘荷

楊陸榮

盪舟曾記擘新粧，零落秋波易感霜。
初日依然臨畫檻，驚鵝何事到銀塘。
早知解語心原苦，但有餘芳夢亦涼。
太華峰頭明月在，如船藕欲爲誰長。

盆荷

袁秋卿

恥向西湖巧樣粧，移來庭院映華堂。
金盆洗罷楊妃面，盃蓋擎將越女觴。

出盜新枝翻砌影，納涼小檻入簾香。
不經池上游人眼，妬殺窗前薄媚娘。

燒後艸

方登嶧

劫灰已付赤雲天，又結王孫再世緣。
湘水石邊垂蔓蔓，咸陽陵畔舊芊芊。
根留九死青霜種，葉染三春碧雨煙。
卻怪燎原前日勢，不分蕭艾與蘭荃。

接活樹

全

綺枝爭看葉雲翻，誰入園林識舊根。
同是寄生依樹母，儼然奪舍附花魂。
高憑幹吐分成勢，巧借泥封合有痕。
幻相直從人事見，難將榮瘁問真源。

荷珠

趙曉榮

翠扇紅衣白露滋，夜光不定曉風吹。

清人言金
可能照徹驪龍，領漫擬穿來碧藕絲。
神女瓊瑤遺雜佩，才人咳唾落清池。
靈蛇手握今誰是，倚檻徘徊有所思。

荷珠

孔繼泰

翠蓋搖風弱不支，明珠混漾走荷池。
一天清露看生彩，百琲芳塘欲鬪奇。
買去乍疑魚目混，照來還訝蚌胎遺。
蕩舟少女停撓弄，巧挽雲鬟未易施。

金粟

楊陸榮

秋雨秋風響玉環，桂香零落滿蓬關。
如來豈合居塵世，此去難教賦小山。
生性久知薑共辣，成林寧許葛同攀。
殘魂定擬歸何處，好與姮娥伴卻閑。

櫻魚

吳登

木生剛鬣訝棕櫚，有子鵝黃忽肖魚。
斂處已疑龍作種，吐時更見旄維旗。
浪高春雨三千丈，躍起東風百六初。
何得梢頭鱗甲長，天池南北泛清虛。

藕絲

黃任

誰浸蓮塘紉一絢，繭房蛛網較全疎。
織爲洛浦盈盈韞，穿得鮫宮滴滴珠。
玉臂愛纏千萬縷，冰綃纔繫兩三銖。
晚涼送入菱歌口，縹緲牽腸得斷無。

苔錢

郭杰

艸滿簾前盡可刪，雨餘圓結蘚痕斑。
生當蘭砌思營室，繡出雲根欲買山。
沽酒杖頭携不去，布金展齒帶將還。
貧家壁立饒生事，休悵空囊鎮日間。

筍筆

薛敬孟

萬畝渭川影動簾夜來寒玉折新尖
中書未老頭何禿稚子能文穎已銛
煙雨一春從潑墨龍蛇十萬欲張髯
綠筒不賦金銀氣未許詞人信手拈

秧針

趙翼

誰散鈿鋒似嫩蕪纖柔不比劍裁蒲
引他梅雨絲絲縷繡出幽風幅幅圖
翠剡出波真脫穎綠芒承露亦穿珠
笑看野老如槌指自詫拈針賽小姑

新鶯

沈模

乍依紅樹報芳菲載酒遙聽聲尚稀
天暖已辭幽谷去風和纔逐曉雲飛
梭邊試擲絲方裊黃裡輕賜韻轉微

莫笑春回公子蕩行看御苑舞金衣

新燕

毛上矣

歸來何處又忽忽巷口江頭放夢同
萬里掠將寒食雨一番吹過杏花風
家家玉壘香泥碧夜夜雕梁燭影紅
莫倚辛勤好長在傍入門戶總成空

白燕

黃任

雕梁色相已全非朱雀橋邊相見稀
曉月蘭房通夜夢春風珠館幾時歸
梨花院落迷芳徑柳絮池頭誤點衣
要與藐姑仙比並玉闌干外一雙飛

春燕

吳錫麒

今年燕到過春分依舊營巢補綴勤
破屋數間偏戀我落花三月正思君

清人言詩全
條條古巷濛濛雨處處香泥軟軟片
半日疎簾相待久歸來時節又斜曛

秋燕

嚴鉅

檐樹清商夜作聲飛飛幾日款柴荆
衣冠海國殘年夢風雨秋城異地情
將子別離頻遠道依人歲序數心驚
江南江北長爲客贏得歸身一葉輕

送燕

趙國榮

湖海歸來偶閉關深閨尚憶唱刀環
自憐幾載依人住其奈今朝送爾還
獨坐按歌秋水榭雙飛回首夕陽山
臨歧相顧同憔悴衰柳溪頭儘欲攀

秋鶯

張英

曾聽黃鸝各賦詩澹煙新柳在龍池

祇今紅樹雙飛處誰復春陰百轉時
歌調晚風應漸澁羽毛清露恰相宜
金衣若向籬邊過莫認霜天菊一枝

秋鷗

張允武

陳雲點點晚蒼蒼接翅歸飛路渺茫
衰柳白門非昔日疎桐金井半斜陽
吳宮月落秋如水楚幙天寒夜有霜
曾是一枝棲不定畢波訛尾向昏黃

晚鴉

余文儀

牛背無人亂夕陽曾踰雙闕入紅墻
白頭未放還家客青鬢難摸墮馬妝
排翮自成新陣壘夜啼空譜舊笙簧
憐他清影頻來去怕向宮槐立曉霜

白画眉

全

絕无螺子描成樣，宛似蛾兒脫出姿。
竹密巖難看雪，早絮迷隋苑，出風遲。
緇塵自愧輕沾，後清鏡相思，淡掃時。
放汝若乘明月去，春山叫遍，有誰知。

烏骨雞

查嗣璫

霜毛鐵骨養初成，金距花冠未足榮。
偶入群中如鶴立，獨知更次冒寒鳴。
迢迢去夢憑誰喚，寂寂紗窗待汝明。
他日得歸籠汝去，出關應為發先聲。

睡鸚鵡

呂履恆

画欄春晝綠衣閒，懶向東風語小鬟。
院靜不聞金鏢動，簾虛猶見玉人還。
敢辭香稻成高卧，卻悔雕籠夢故山。
同調忽驚能賦客，為君目倦更開顏。

蟻陣

嚴鉅

審雨堂前陰復晴，分長赤幘盡橫行。
花魂搶地春增壘，酒面浮紅夜渡兵。
白日底須憂大厦，滄江猶可制長鯨。
太平野老曹騰睡，莫向牀頭苦鬪爭。

蛛網

張學海

晴日間從屋角看垂天，密網感無端。
偶開一面風吹破，旋綴千絲露結團。
圖竊羲皇披太極，格偷元聖運羅盤。
江湖有客經綸滿，落魄年來寄食難。

綠胡蝶

錢琳

分明么鳳是前身，相賞宜開綠酒尊。
飛近楊花春有影，倦栖芳草夢無痕。
畫將眉嫵疑輕黛，翠接羅浮有斷魂。

可是仙家裙一幅幻形飛出碧雲根

蝶衣

朱逢泰

剪剪春風試彩衣葛仙翁化是耶非

曝來綺麗花枝午拂處翩躚草色微

善舞曾誇長袖曳浪游豈和薄塵飛

隔簾歌妓誰爭艷不獨羅浮繡翅希

全

邱璋

画閣春深賜綵衣繡簾開處暖爭飛

曉寒陣陣風翻葛林密重重翦剪緋

五色繭看裙化出七萃扇訝袖携歸

掌中試比華間舞仙骨何論瘦與肥

蟬脫

查慎行

不應已蛻尚名蟬彈指難留過去緣

枯比老僧初入定輕如羽客乍登仙

誰云解脱非生理始信飛鳴是後天

從此塘螂無攫意機心不上七條絃

雁字

聞芷

綠章可待乞天公箋奏遙傳碧落中

不斷數行如曳白有何羈怨憤書空

斜陽閃背金泥燦霽雪梳翎玉筋工

最是關山飛欲倦數行小艸最匆匆

全

趙文哲

來憑月勅去風支紀錄春秋特筆垂

駕闕聯班曾視草龍湫絕頂好臨池

揮成欲獻凌雲賦過去難摹沒字碑

最後失群餘片影西風吹散碎金詞

全

全

點滌天池付雁王祇今真種更飄揚

將斜復整，迴波秀漸遠。如無削牘忙，
體變八分猶鳥迹。天開一畫本，鴻荒
銀河秋老稀。鳥鵲錦字重，勞訊報章

全

薛敬孟

陽雁南翔，沙渚遠銀鈎連斷帶聲。翩
文章有跡原師鳥，河洛無圖忽上天。
紫塞秋排歸漢信，湘江愁寫續騷篇。
晚來風急行斜亂，不是張顛亦米顛。

蠹魚

袁枚

不買芸香置五車，公然老蠹作生涯。
分明紙角牙鬚動，徒覺書中點畫差。
未必風騷供吐屬，空貪糟粕失精華。
勸君嚼我終無味，速往蟲魚註疏家。

蠅

黃任

曉起腥風海市添，土螿雙斫雪霜甜。
膏肥稻葉潮初落，沫吐蘆根港半淹。
細雨草泥聽郭索，高齋花月選團尖。
與君嗜好鹹酸外，白菊黃柑臭味兼。

全

全

紺匡紫甲縛青蒲，勃窣時聞竹裡厨。
菊露糝羹調玉液，椒醕沃屑點冰酥。
餵蝗半殼含沙膩，摒擋雙盤擘雪粗。
珍重蟲魚風雅客，過江幾悞蔡司徒。

蠓蝶

孔繼泰

纖纖鳳子是耶非，孽得雙蛾翅欲飛。
不信無腸有奇骨，乍看鮮甲舞仙衣。
隨朝已斷三更夢，晒露方憐百卉腓。
莫道魏收輕薄甚，粉痕為帶海霜肥。

菜花鱸

蔣元龍

亦擬持竿學釣翁，湖天連日雨濛濛。
菜花開後魚方上，竹筍香時信早通。
不識鄉音呼吐哺，何須歸計說秋風。
年來枉作吳淞夢，又悞春帆一片東。

燕剪

薛敬孟

小聲啞啞玉真娘，携到并州一尺霜。
煙徑劈開花片細，春梁裁落絮泥香。
清江半幅掠波剪，小巷烏衣舊業長。
王謝名家今久燼，不勞刀尺傍人忙。

魚梭

薛敬孟

春流處處滿溪香，擲得梭花尺許長。
蜀練亂拋江上錦，鮫綃擬織海人裳。
風吹荇帶索絲遠，夜靜支機倒影忙。

頃刻噴雲成五色，不關誰換有文章。

蟬琴

仝

幽澗泉流林壑空，宮商自在亂鳴中。
畏久別作清溪弄，愛潔時修高士桐。
樹遠曳聲歸柳塢，秋深抱響入松風。
陶公雅有無絃趣，一曲綠陰奏未終。

脫鈎魚

方登嶧

頓覺洋洋大壑清，幾貪香餌誤吾生。
欣濡稚子針頭沫，免膾通侯座上羹。
掉尾駭波經處慣，暴鯁迴浪過來輕。
盈車笑底臨淵想，不貫垂荆剖粒情。

病驥

申成基

困守原非老驥心，追風神駿疾爭禁。
五花倒結連錢暗，雙耳低垂猛氣沈。

今日支離空伏櫪，昔年騰躍後飛禽。
驚駘無恙終相遜，市骨還應五百金。

雨蟬

趙翼

插冠曾記壯朝常，帶溼無煩煖炙簧。
似抱露花棲蛺蝶，恰遮雨葉避螳螂。
涼迎新爽為寒噪，潤帶殘聲過遠揚。
信有羽仙身最潔，賽他香徑占蜂王。

雨蚓

全

膏流地脈液旁行，蠕動昭蘇竅作聲。
蠖屈頓伸泥裏蟄，蟪蛄祥曾兆土行精。
穴居知雨原成性，泉飲逢源倍樂生。
聖澤濺汪隨地驗，肖翹微物亦含情。

酒花

全

釀花作酒始何時，酒面重開艷麗姿。

未便醉迷坡老眼，先看潮暈麴生肌。
漫擬插髻還相照，但會飛英或未知。
自是洞庭春色滿，金波風動輒紛披。

鹽

許炳

六路遙通煮海時，絕勝鹽井與鹽池。
漉沙添入張融賦，擬雪聯成謝韞詩。
試手梅羹調未得，托身魚市舉何遲。
那能三月忘鹹味，箸裹歸來每自持。

西瓜

嚴錦

異種應從西域留，勾圓萬顆熟新秋。
香凝白練商金冷，豔剖紅雲大火流。
寶氣中涵分色相，瓊漿深貯滌煩憂。
年來便學東陵隱，栽遍村田未厭收。

蠶豆

趙曉榮

杏花雨過養蠶天蠶豆離離亂野煙
携箔輕盈堪一摘求桑辛苦恰三眠
來年並熟憑頭浪櫻筍借登配入筵
惟有花時最愁絕阿香驚起響蘭闌

全 吳錫麒

評量諫料稱山臞晚筍初櫻與爾俱
画本幾花宜水墨詩人一味足風爐
剝經纖手香于繭漉過微湯碧似珠
不是太常齋日慣腥羶也合罷行厨

燕筍 申成基

亂鳥翻風社日來園林玉版早聞雷
龍孫落蟄舒新葉犢角春畦破舊苔
含穉欲居玄尾列抽梢始出智禽胎
味甘先食稱佳品美種還須次第栽

佛手柑 楊陸榮

秋林佳實總芬芳愛此玲瓏學道粧
擘不可開持苦戒拈之微笑有餘香
無名何處論屈信所恨終嫌判短長
撒手一齊都放卻掃開空色萬千場

佛手柑 胡德琳

妙手提攜詎有涯遠從西土越流沙
清分蓮座秋容淡香透梅檀篆影斜
幾度飛光曾指月偶然微笑為拈花
如來結印承摩頂金色兜羅幻綺霞

全 查為仁

盈筐相寄自吳船幻出天龍一指禪
摩頂雖無心印法拈花卻有妙香傳
剖煎翠茗芳逾烈留伴黃梅色並妍

本是兜羅綿現相越橙吳橘敢羞肩

荔枝餅

張浚

南閩仙人寄貢餘，蔗糖滌盡露瓊瓊。

金丸尚有光疑處，玉液還思菓熟初。

曲製長生開笑靨，譜傳蔡氏得芳譽。

堆盤莫認紅綾餅，脆李雕梅總不如。

竹葉粽

何士顯

山裡行厨事事新，楚臣遺製更清芬。

承筐擬造青精飯，采葉剛逢孤竹君。

五月端陽菱共小，一章華黍笛先聞。

諸公應笑便便服，不爵紅霞爵綠雲。

菊花餅

吳錫麒

摘從麕眼露猶盈，煎付牛酥味更清。

自謂吾家工說餅，豈徒楚客慣餐英。

圓移月影盤中墮，寒挾霜稜舌底生。

此是詩人纔領得，世間空有縮葱名。

豆芽菜

梁同書

翻將農譜入蔬經，角穀何緣化菜莖。

活水番番分筧遞，靈芽寸寸隔塵生。

銀絲鮮膾難方潔，青井泥片未許清。

認得園官舊坊巷，牆腰一帶桔槔聲。

雪花菜

陸奎勳

甕餘菽滓飽倉荒，辟穀無須守故方。

搜剔晦翁牙後慧，含咀謝女句中香。

已拚糞飯名從古，但雜飴鹽味改常。

寄語諸公調鼎暇，山蔬淡泊可能嘗。

風栗

梁同書

編就筠籃心路通，收將圓栗貯虛空。

清人言物言金
西風一夜初乾，後卯酒三杯細嚼中。
老境愛他甘有味，皺顏如我性無功。
童時憶得曾癡覓，只恨懸猴食未工。

新藕

黃任

纔脫香泥出水村，銀塘猶浸一彎痕。
漣漪長養成風骨，冰雪聰明與吐香。
半臂乍舒絲已繫，並頭初放節先存。
怪他滿口田田味，知有青蓮在舌根。

全

全

水晶盤貯水泱泱，帶得荷風齒上涼。
切去仍煩初採手，嚼來猶噴乍開香。
精瑩竟體冰無汗，沆瀣通津玉有漿。
好與文園消酒渴，斷魂滋味是新嘗。

西施舌

趙翼

一寸靈根出蚌胎，流紗遺體費疑猜。
捫愁卷入嬌喉，去割惑潛乘笑口開。
似帶瀾翻從越網，幾曾簧巧禍蘓臺。
卻慚老去風情斷，方與佳人接舌來。

醃菜

吳錫麒

劇來野圃帶泥香，旨畜經冬料理忙。
風雪光陰如有約，酸鹹嗜好未能忘。
酒人燈下頻頻索，笋事江南恰恰償。
食肉我知無骨相，不愁夢訴蹴蔬羊。

豌豆

田榕端

回鶻何年遺此種，枝頭幾訝玉蛾飛。
卻緣翠莢成來好，頗覺明珠采未稀。
白藕沿籬憐已晚，翹搖蔓野謾相依。
花羹小點茶湯熟，雷轉空腸一療飢。

勝

徐熊飛

贏得清芬冰齒寒野田芳蕨乍登盤
 分甘不羨金膏冷落屑還將玉髓看
 東閣延賓春酒罷南皮擊劍燭光殘
 何人抱甕栽千畝小署頭銜配橘官

梨

朱霞

何年大谷得分條合向文園慰寂寥
 幾樹明粧懷月夜百泓涼乳又秋梢
 并刀削去疑無質碧椀擎來恐便消
 入口自知塵膚盡元光仙族未全遙

菱

全

一鏡橫塘啓繡奩涼波脆實喜頻添
 兒拳最憐青紅艷雁啞還愁角刺尖
 閒盡炎涼應漸老嗜從生熟不妨兼

芡

全

常疑屈到風流甚便比芡蒲亦未嫌
 山厨久已絕烹鮮米得雞頭亦自憐
 爪嘴幾曾誇礪乃珠璣卻復暗累然
 尊開夜雨頻頻剝乳凝香酥的的圓
 莫向侯門占食指水宮筐籠餉年年

蒲萄

全

天上誰分百斛漿蒲萄萬顆熟新涼
 定憐詩解才人渴不為官求太守忙
 入手勻圓珠乍泣堆盤磊落露猶香
 夜來颯颯風棚響似有龍蛇護曲廊

茶聲

印照

石鼎醜醜魚眼勻綠窻茗椀對爐薰
 悲絲急管愁難住簷兩松風細不分

深院酒闌應倦聽五更夢渴最先聞
憐君亦有湯神癖側帽龍頭散宿醺

木魚聲

查慎行

緣木求魚又一奇巧將法器付彫師
空虛自與敲鏗應緩急都於梵唄空
響入松濤疑掉尾枯逃世網賴捷推
憑誰悟徹前塵事身是他山啄木枝

塔鈴聲

全

三穴鷲過書沈沈窳堵坡高蘭若深
已向池中懸倒影又從天半落清音
石如解聽無生話風豈能搖久定心
若問此聲何起滅本來無縫杳難尋

桐風聲

黃中堅

嫋嫋秋風偏五湖飄來庭際弄高梧
有時蕭索疑敲竹忽地鳴號似捲蘆
羊角將傳聲自壯鳳條欲老韻還孤
朝陽萋萋知難續猶得清音入耳娛

蕉雨聲

全

簾捲西風薄有雷芭蕉翻綠送聲來
雨疎未覺傾盆亂葉老還疑放溜催
快似銀瓶初迸水雄如鐵騎暗衝枚
夢餘乍聽心神爽殘暑全從清響回

落葉聲

朱鈞杰

搖落江楓旅客驚離亭片片動人心
慣因猛雨林端響又逐寒風月下吟
颯颯亂山穿古寺蕭蕭曲徑度疎音
聽來暗覺流年換秋老天涯愁思深

蟲聲

宋琬

耿耿雙星隔絳河，亂蛩幽怨出平沙。
美人簾外清商曲，壯士樽前變調歌。
為傷疎燈哀轉劇，卻憐明月語偏多。
西堂有客中宵坐，九辨吟成奈爾何。

角聲

全

一更初奏五更終，画角長隨萬里風。
夜月飄搖沙磧外，曉霜嗚咽戍樓中。
飛來雨雪嘶邊馬，散入川原起塞鴻。
解道秋聽殷地發，白頭愁殺杜陵翁。

秋雨聲

全

劔閣泥深幸蜀年，淋鈴一曲至今傳。
霏霏無奈初長夜，淅淅偏多向曉天。
衰柳堤邊驚鷺語，枯荷葉上攪鷗眠。
盧家少婦橫波浪，溼盡瑩篔十五絃。

烏聲

全

三匝棲烏夢不安，哀鳴睨睨曉霜寒。
豈云宏子從軍樂，似訴征人行路難。
金井輓轡梧乍脫，白門樓閣柳初殘。
賤臣哭後頭終黑，腸斷當年太子丹。

琴韻

紀邁宜

廣陵何處有遺音，百衲由來只破琴。
最愛松風林裏聽，迥然鸞鳳指邊吟。
羨瑤恍視傾而黑，山木移情竅且深。
識取無絃個中意，七絃一一古人心。

花氣

全

百和氤氳不辨花，牌書品第漫懸牙。
濃芬乞蝶為香國，細馥無風透碧紗。
一掬收和金掌露，千莖釀作羽觴霞。

禪床鼻觀渾無賴，色色空空演鹿車。

書香

紀邁宜

漫爇梅檀伴木魚，自然香氣繞幽居。
誰能細曠三危露，喜得新窺二酉書。
詞吐青蓮裝滿架，帙裁白纒載連車。
濃煎班馬猶僧父，掩卷方知味有餘。

雲影

全

扶杖看雲花逕行，白衣蒼狗歎浮生。
萍開片朵池邊墮，日射奇峰海外明。
蕩漾恰如飛燕掠，模糊應帶溼煙橫。
最憐馬首來青蓋，一望春蕪遠岸平。

帆影

方登嶧

霧揭風牽映水濱，檣烏飛去掠斜曛。
平拖巫峽三更月，冷浸瀟湘一幅雲。

漁港留疑懸曉曝，襄陽畫不軸波文。

何人日下歸無恙，同寄江湖影莫分。

簾影

徐熊飛

晴光欲動碧雲流，銀蒜低斜響玉鈎。
三日東風雙燕語，半窻紅雨一人愁。
湘波窈窕搖空綠，山色微茫隔畫樓。
記得杏花寒色退，午陰移過院西頭。

水中梅影

李鴻逵

清溪淼淼浴冰條，香透虛無韻寂寥。
萬點雪痕流不去，幾枝春色浸難消。
羅浮弄影雲鬟濕，姑射傳神玉珮搖。
漠漠寒光溶漾處，未妨清淺傷溪橋。

水中花影

乾隆帝

一叢繁艷映清漣，淡漾微波態更妍。

清人詩集
錦水湯湯流，不去桃源隱。隱望如仙，
湖洄蕩漿，含情見徙倚。憑欄俯首憐，
卻憶乘蘭來。照影落花時，節笑嫣然。

月中花影

全

冰輪朗照，一園明。倚那芳華弄影清，
庭畔交橫紛可數。窻前忽到淡含情，
瓊枝低亞雲初破。玉兔光疑桂正榮，
爲是惜花兼愛月。無眠獨自繞檐楹。

鏡中花影

全

蘭室群葩一鑑藏。菱花七尺爛生光，
開奩朵朵爭舒艷。卻月枝枝競鬪粧，
仁壽殿前羅萬象。昭陽宮裡冠群芳，
試將形影參真幻。照徹冰壺春正長。

日中花影

全

階前掩冊惜芳菲。映日翩翩淺淡紅，
滿地輕陰春晚晚。一簾晴景午玲瓏，
蜂衙喧處飛飛過。蝶夢醒時栩栩融，
剛被繡旛遮半面。夕暉又轉藥欄東。

水中樓影

全

清池激灩映長空。蘸影樓臺入水紅，
軒爽龍盤金鏡裡。觚稜鳳翥玉壺中，
仙翁宅近人難到。帝子居遙路未通，
眼底景光天外想。畫圖一幅水晶宮。

菊影

黃任

幾枝清供傍琴樽。位置惟幽跡便存，
浮動可餐微有暈。離披欲採了無痕，
屏風愛寫陶家景。紙壁能招楚客魂，
好待曉燈涼月照。霜籬移上玉真軒。

全

邱璋

籬笆短短徑深深瘦骨輕搖一片陰
小盜風生虛寫影疎簾秋晚恰相尋
霧籠兩眼拚微醉燈閃三更對苦吟
記得題糕歸去懶滿頭欲插不勝簪

全

全

鎮日無言澹可交是空是色費推敲
帽檐醉插燈移壁籬下寒欹月掛梢
瘦骨難扶陶令徑夕英那入屈原庖
縱然開落無痕跡六一當年枉受朝

影戲

邱璋

借得金縷一寸光輕綃影裏露行藏
興衰過眼無形迹動止因人欠主張
臺上有誰真面目胸中原自少肝腸

賢愚半霎隨燈燼笑殺千年機械場

影

釋智操

相親相近已忘年盡日殷勤不變遷
秉燭看花隨客後臨流把釣占人前
詩尋雪夜同扶杖月載煙波共泛船
幾度欲離離未得倦來仍與抱雲眠

鬢絲

王文治

禪榻今年坐破春誰知班鬢漸如銀
面城久著閒居賦倚劍曾沾絕塞塵
流水照時增感慨茶煙颺處亦酸辛
從今莫把平原繡勛業應歸少壯人

春愁

陸伯焜

峭寒如水柳如絲觸忤閑愁只自知
一夜錢春啼鴉後五更殘醉落花時

清人詩集
綠波南浦天涯路芳艸西堂夢裡詩
惜別懷人苦無緒好憑魚素為開眉

瘦

程晉芳

食蛙則瘦食熊肥斯理荒唐未易推
腰想沈郎多病減鬢經緜令積愁催
終憐少壯堂堂去或恐清虛日日來
孤影支持誰是伴引將涼霍曉徘徊

眉語

陸揚榮

絮絮相撩聽已虛極溫存處只絲如
羞將細故煩毛舉活養靈苗情穎書
山聳定知盟約重周灣應是訴愁初
阿誰譯得當時語柳葉文鐫一寸餘

眼語

全

脈脈芳情心印同相觀而喻一犀通

纍纍珠串秋波裡滾滾瀾翻銀海中
黑白愈分詞痛快纖毫畢露論精工
俄然聽到神傷處不是清霏是淚濛

手語

全

疑隱如謎索若思從今始信論堪持
何須彈舌方成響但得叉空便是詩
物外推敲拈未穩眼前指點示諸斯
俄分俄合俄迴抱似此詞鋒果太奇

慵

黃任

斷儘知聞少過從已衰因病更添慵
寂如古井無波水枯比寒巖歷劫松
看取輒忘應廢卷寄來不答懶開封
惟將粒食關心事時復占年學老農

心花

趙翼

趙昌沒骨畫難如姿致隨人作密疎
絕艷每參神賞處真香恰在鼻觀初
乍萌意蘖先含秀不托情根自植虛
妙補化工生趣滿物華長藉睿才舒

茗戰

嘉慶帝

擬情寒泉作主盟卻從茗飲出奇兵
軍持沃處旗槍列雷茨探來水火爭
不覺指揮煩羽扇更看談笑置楸枰
玉川大有韜鈴在一掃蒙山雲霧清

炙硯

張崇儔

琉璃匣啓漆毫遲水閣圍爐小炙時
石穴春迴蕝紫霧雲根凍解溼紅絲
豈緣陸子思焚硯莫向王家更洗池
最是烟霞生筆底詩成猶覺氣淋漓

喫煙

趙翼

淡芭味不入鹹酸偏惹相思欲斷難
豈學仙能吸雲霧幾令人變黑心肝
噴浮銀管香驅穢暖入丹田氣辟寒
贏得先生誇老健鼻端出火駭旁觀

湯泉浴

袁枚

萬仞蒼崖覆浴堂早知勾漏有砂床
一泓碧玉暖如許半日薰風坐未央
酌飲最憐香氣味試來難轉冷心腸
何時得上知章表乞作幽人湯沐莊

清人詠物詩鈔終

後序

往五山菊池先生以詩鳴于海內，四方之士仰以為秦斗，我先人最受知，與社友交唱互酬，殆無虛月，號為一時之盛。既而先生溘焉逝，未聞一月先人亦見背，其他才俊先後踵亾，回思曩時恍如昨夢，嗚呼！人事之盛衰變化為如何耶！初先生博採清人詠物詩，付先人令校訂且蒐之，殆就緒而遽捐館舍，頃日芳潤堂欲刻之，且請序予。一見遺編，悽然泣下，豈忍序之，抑竊謂詠物之詩，古人之所難，譬諸御者旋蟻封之法，步驟折旋盡巧力，于尺寸之中，而又寓微旨於至顯之中，含妙理於至近之間，所言皆

係乎忠孝彝倫，是乃古人之所以用心，而先生之教示後學與先人之商榷前修皆在此也。豈徒雕琢字句之巧而已哉！哲猶記先人屬續之前，僅三日氣息奄奄，忽賦長句自題其肖照，所言皆不出于事君事父之意，乃顧予曰：我今乃可死矣。蓋其厚乎倫理，天性然也。夫其至性厚乎倫理如此，其所商榷者亦如此，則向所謂人事之盛者，雖邈乎不可復見，然精神之所萃者在此，編固不與草木雲煙同變滅也。於是乎拭涕書之。

嘉永辛亥春三月

牧莖哲謹識

芳潤堂藏版目錄

江戶神田通新石町
須原屋源助

花曆百詠 清翁榴菴著 二冊

元謝宗可

明瞿宗吉 三家詠物詩 三冊
清張木威

元百家絕句 晉亭朝長先生選 二冊

文衡山詩鈔 優所原先生校 二冊

西遊詩草 詩佛大窪先生著 二冊

北遊詩草 同 二冊

再北遊詩草 同 二冊

詩聖堂二集 同 四冊

詩聖堂遺稿 同 三冊

淡齋百絕 佐羽芳蘭卿著 一冊

淡齋百律 同 一冊

善我堂詩集 同 一冊

劉後村詩集 清姚培謙平山校訂 三冊

囚山亭百律 波山芳川先生著 一冊

清風集 得一神岡先生編輯 一冊

熊臺詩鈔 杉山惟修公敏著 二冊

浙西六家詩鈔 默菴牧先生
藕塘志毛先生 雙校六冊

遊豆紀勝 良齋安積先生著 合二冊

東省續錄

遊囊日錄 翹齋海老名先生著 二冊

北道遊簿 長戶先生著 一冊

學務知要 一冊

詩韻扇 兩面摺

牧野直右衛門編輯

嘉永五年壬子正月發兌

京都寺町通松原下ル

勝村 治右衛門

大坂心齋橋通博勞町

河内屋茂兵衛

江戸通新石町

須原屋源 助



Faint vertical text, likely bleed-through from the reverse side of the page.



早稲田大学図書館

011688992860